

Tingkat program
penyelidikan di IPT

2

Negeri tidak sisih
hak Orang Asli

6

Pameran udara
catat RM823 juta

2

Sedia 1,152 pusat
pemindahan banjir

6

selangorkini

PERCUMA

PP 19570/07/2020 (035196)

EDISI 23 - 29 NOVEMBER 2023

www.selangorkini.my

10 peratus rizab PBT bina prasarana

Dato' Menteri Besar arah tingkat mutu kemudahan awam termasuk jalan raya, longkang, lampu jalan dan balai raya supaya seluruh rakyat nikmati keselesaan seiring perubahan demografi serta keperluan setempat

MUKA 2

5.8 juta penduduk dilindungi insurans

Setakat 30 September, seramai 3.4 juta pengundi, 900,834 pelajar dan 750,000 kanak-kanak antara didaftar dalam Skim Insurans Am Selangor hasil kerjasama pelbagai pihak atau inisiatif individu

MUKA 3



Dato' Menteri Besar Dato' Seri Amirudin Shari menyampaikan hadiah kategori Kemapanan Bandar kepada Timbalan Datuk Bandar Petaling Jaya Aznan Hassan (dua, kiri) sempena sambutan Hari Perancangan Bandar Sedunia peringkat negeri di Kuala Langat pada 18 November 2023. Foto AHMAD ZAKKI JILAN

pancawarna

Reformasi tatakelola, tuntas bela rakyat

Setiausaha politik PM imbau tempoh satu tahun kerajaan perpaduan



9-11

Lantang perjuang nasib Palestin

Anwar Ibrahim bawa suara mangsa penindasan rejim Israel sejak belia



15

Kestabilan 12 bulan suntik keyakinan

Pentadbiran perdana menteri dapat maklum balas positif ahli ekonomi, pakar



16

Dewan Negeri lulus Belanjawan 2024

SHAH ALAM - Sidang Dewan Negeri Selangor (DNS) meluluskan Rang Undang-Undang Enakmen Perbekalan 2024 selepas dibahas sejak 14 November lalu.

RUU itu diluluskan menerusi undian dalam sidang yang dipengerusikan Speaker DNS Lau Weng San pada 22 November.

Menurut Weng San, seramai 43 Ahli Dewan Negeri (ADN) mengambil bahagian untuk membahas RUU tersebut termasuk Ketua Pembangkang Dato' Seri Mohamed Azmin Ali.

Turut diluluskan RUU Enakmen Peruntukan Diraja (Pindaan) 2023 dan RUU Enakmen Perbekalan Tambahan 2023.

Belanjawan Selangor 2024 yang diumumkan 10 November lalu memperuntuk RM2.53 bilion bagi perbelanjaan menurus dan melaksanakan pembangunan negeri.

Dato' Menteri Besar Dato' Seri Amirudin Shari berkata sebanyak RM1.33 bilion atau 52.6 peratus diagih untuk perbelanjaan menurus dan RM1.2 bilion bagi pembangunan.

Sasar pelaburan RM45 bilion

SHAH ALAM - Kerajaan Selangor menyasar unjuran nilai pelaburan RM45 bilion pada tahun ini dengan sektor perkhidmatan menyumbang RM32 bilion diikuti pembuatan RM12 bilion.

EXCO Pelaburan Ng Sze Han berkata 657 projek pelaburan dalam sektor pembuatan dan perkhidmatan diluluskan dengan nilai RM29.72 bilion bagi tempoh Januari hingga Jun.

"Projek yang diluluskan ini melibatkan 114 projek perkilangan dengan nilai RM14.75 bilion manakala 543 projek diluluskan dalam sektor perkhidmatan dengan nilai RM 14.96 bilion.

"Berdasarkan momentum dan prestasi pelaburan yang memberangsangkan, kita yakin jumlah pelaburan yang diunjurkan mampu dicapai pada penghujung tahun 2023," katanya pada 17 November.

IMBAS DI SINI
akbar digital minggu lepas

Tingkat program penyelidikan di IPT

SHAH ALAM - Duli Yang Maha Mulia Tengku Permaisuri Selangor menggalakkan lepasan diploma dan ijazah sarjana muda supaya meneruskan pengajian ke peringkat lebih tinggi.

Tengku Permaisuri Hajah Norashikin berharap mereka tidak terhenti pada peringkat tersebut sebaliknya berusaha mendalami ilmu yang menjadi asas pembentukan tamadun, lapor Bernama.

"Budaya menimba ilmu perlu dirancakkan kerana Malaysia memerlukan problem solver (penyelesai masalah) dalam membantu negara menghadapi

cabaran yang semakin kompleks," titah Baginda lagi.

Baginda yang juga Pro-Canselor Universiti Teknologi Mara (UiTM) bertitah demikian dalam hari pertama Istiadat Konvokesyen UiTM ke-98 di sini pada 18 November.

Tengku Permaisuri Hajah Norashikin berkenan menyampaikan ijazah doktor falsafah (PhD) dan sarjana kepakaran perubatan kepada 125 lepasan UiTM.

Baginda juga menyeru pentadbiran universiti supaya memperkasa elemen penyelidikan bagi memajukan

lagi pengetahuan, mendorong inovasi dan menangani cabaran masyarakat semasa.

Baginda bertitah kerjasama dengan industri perlu dipertingkat bagi menggalakkan penyelidikan di institusi pengajian tinggi (IPT) khususnya peringkat sarjana dan PhD.

Menurut Baginda lagi, industri boleh menjadi penyelia bersama untuk para lepasan kerana pihak berkenaan boleh menyumbangkan idea yang mampu menyelesaikan masalah dalam industri sebenar.

10 peratus simpanan PBT

Guna rizab naik taraf kemudahan

Oleh SUHAILA SHAHRUL ANNUAR

KUALA LANGAT - Semua pihak berkuasa tempatan (PBT) di negeri ini diarah supaya menggunakan sekurang-kurangnya 10 peratus simpanan kewangan bagi menaik taraf kemudahan orang ramai.

Dato' Menteri Besar Dato' Seri Amirudin Shari berkata langkah itu dapat memperkemas prasarana asas supaya rakyat dapat menikmati kemudahan pemodenan sekali gus memberi keserasian.

"Selain yang ada dalam belanjawan PBT, saya juga mahu (minimum) 10 peratus daripada simpanan mereka digunakan untuk menaik taraf kemudahan seperti balai raya, dewan dan kemudahan lain."

"Pelarasan ini perlu kerana prasarana asas perlu diperkemas supaya rakyat bukan sahaja menikmati kemodenan yang dicapai tetapi juga selesa (menggunakan) kemudahan awam," katanya.

Dalam Belanjawan Selangor 2024, negeri mencadangkan setiap PBT menggunakan 10 peratus rizab kewangan untuk membaik pulih prasarana

dan kemudahan awam.

Beliau merasmikan sambutan Hari Perancangan Bandar Sedunia peringkat negeri 2023 di Kampung Endah di sini pada 18 November.

Dalam ucappannya, Amirudin berkata pembangunan prasarana antaranya jalan raya, longkang, lampu jalan, dewan orang ramai dan pusat masyarakat antara tumpuan sepanjang tahun depan.

Beliau juga mengingatkan semua pihak semua perancangan bandar perlu sentiasa mengadaptasi perubahan semasa termasuk demografi penduduk supaya selari keperluan setempat.

SIBS raih pelaburan RM6.12 billion

SHAH ALAM - Sidang Kemuncak Perniagaan Antarabangsa Selangor (SIBS) 2023 pada bulan lalu merekod nilai transaksi pelaburan RM6.12 billion, empat kali ganda daripada sasaran awal.

EXCO Pelaburan Ng Sze Han menjelaskan program yang menetapkan sasaran RM1.5 billion turut menerima kehadiran 57,249 pelawat, mengatasi jangkaan awal iaitu 50,000 pengunjung.

"Pelbagai misi untuk menarik le-

bih ramai pelabur antaranya SIBS yang mendapat sambutan sangat baik. Ini menjadikan Selangor sebagai destinasi pelabur asing," katanya pada 16 November.

Menjawab soalan dalam sidang Dewan Negeri Selangor, beliau berkata pentadbiran negeri juga merancang membina taman aero bersebelahan Lapangan Terbang Antarabangsa Kuala Lumpur (KLIA).

Menurut Sze Han, perbincangan bersama pemaju tanah dan pemain industri bermula sebagai sebahagian usaha Kerajaan Selangor bagi menarik lebih banyak potensi pelaburan ke negeri ini.

"Perancangan untuk meningkatkan kadar pelaburan antarabangsa terangkum dalam aspek penyediaan polisi seperti Rancangan Selangor Pertama dan SIBS dan Pameran Udara Selangor," katanya.

Pameran udara catat RM823 juta

SHAH ALAM - Sebanyak RM823 juta potensi nilai transaksi dicatat dalam Pameran Udara Selangor (SAS) 2023 di Pusat Penerbangan Wilayah Skypark di sini antara 7 hingga 9 September.

EXCO Pelaburan Ng Sze Han juga menjelaskan program yang pertama kali diadakan pada 2021 itu juga menerima kunjungan 19,217 pelawat perdagangan, melebihi sasaran 12,000 orang.

Katanya, sebanyak 55.1 peratus jumlah pengunjung adalah pelawat per-

dagangan manakala 44.9 peratus orang awam, sekali gus mengatasi sasaran 10,563 pelawat yang dicatat tahun lepas.

"Namun, nilai transaksi turun berbanding RM1.174 billion pada tahun lalu berikutkan sektor penerbangan baharu dibuka selepas pandemik. Kita percaya (potensi nilai transaksi) meningkat pada tahun mendatang," katanya pada 20 November.

Beliau berkata sebanyak 28 memorandum persefahaman (MoU) daripada

pelbagai subsektor industri aeroangkasa dimeterai pada edisi ketiga SAS, berbanding hanya 14 pada tahun lepas.

Tambah Sze Han, SAS juga menghim-punkan 109 pempamer dari 10 negara yang mewakili syarikat industri aeroangkasa dan penerbangan terbaik dunia.

"SAS kali ini membuka peluang kepada generasi muda untuk terlibat dalam pameran kerjaya yang menampilkan 26 syarikat penerbangan dan aeroangkasa dari dalam serta luar negara," katanya.



RAI... Duli Yang Maha Mulia Tengku Permaisuri Selangor Tengku Permaisuri Hajah Norashikin (tengah) diiringi Yang Dipertua Persatuan Pandu Puteri Selangor Yang Amat Mulia Tengku Puan Panglima Selangor Tunku Irinah (dua, kiri) menyampaikan cenderamata sempena Majlis Amal Festival Fesyen Islamik di Kuala Lumpur pada 20 November. Foto Facebook Selangor Royal Office

Manfaat pelajar, kanak-kanak

5.8 juta penduduk dilindungi insurans

Oleh FITRI HAZIM HAZAM

SHAH ALAM - Lebih 5.8 juta penduduk negeri ini menerima perlindungan percuma menerusi Skim Insurans Am Selangor (INSAN), kata Dato' Menteri Besar Dato' Seri Amirudin Shari.

Katanya, seramai 900,834 pelajar berusia tujuh hingga sembilan tahun dan 750,000 kanak-kanak berusia 30 hingga 60 hari antara mendapat manfaat hasil kerjasama Jabatan Pendaftaran.

Beliau menambah kira-kira 3.4 juta orang menyertai skim percuma itu menerusi daftar mengundi manakala 760,430 lagi memenuhi syarat kelayakan melalui data dan maklumat diperoleh.

RM23 juta basiswa kepada pelajar

SHAH ALAM - Sebanyak RM23 juta dibelanjakan bagi membayai yuran pengajian 1,700 pelajar Universiti Selangor (Unisel) bagi program asasi sejak 2016, kata Dato' Menteri Besar.

Dato' Seri Amirudin Shari menjelaskan bantuan itu disalur menerusi beberapa skim basiswa bagi meringankan beban kewangan pelajar yang melanjutkan pengajian ke institusi itu.

"Data daripada Unisel menunjukkan sebanyak 64 peratus pelajar ada-

"Pendaftaran sukarela sebanyak 2,300 dari pusat penyelaras khidmat Dewan Undangan Negeri (DUN) dan Parlimen manakala 118,078 didaftar melalui aplikasi e-dompet Wavpay," katanya.

Amirudin menjawab soalan wakil rakyat Taman Medan Dr Afif Bahardin yang mahu mengetahui bilangan pendaftaran INSAN dalam sidang Dewan Negeri Selangor pada 21 November.

Ahli Dewan Negeri Sungai Tua itu menjelaskan pentadbiran negeri bercadang untuk meluaskan pendaftaran skim berkenaan kepada enam juta penduduk supaya kebajikan mereka terbela.

"Kerajaan Negeri akan membuat promosi lebih berkesan dan pendaftaran lebih menyeluruh. Ini untuk melindungi

rakyat kerana masih ramai lagi tidak dilindungi insurans," katanya.

Skim konvensional menawarkan perlindungan RM10,000 untuk kes kematian atau hilang upaya kekal akibat naas dan tambahan RM1,000 untuk kos pengebumian bagi kes kematian.

Skim Takaful pula menawar perlindungan RM10,000 hingga RM20,000 bagi kes kematian atau hilang upaya kekal dan tambahan RM1,000 untuk kos pengebumian selain tambahan RM50 sehari untuk 30 hari kemasukan wad.

INSAN diperkenal pada Oktober 2022 bagi mengurangkan beban kewangan jika berlaku naas selaras peningkatan kemalangan jalan raya, daripada 370,286 pada 2021 kepada 545,588 kes (2022).

lah kalangan isi rumah golongan berpendapatan rendah (B40). Unisel turut menyediakan skim basiswa dan derma siswa.

"Antaranya Biasiswa Naib Canselor, Biasiswa Bistari, Biasiswa Bistari Sains Kesihatan dan Derma Siswa Asasi Unisel untuk memastikan golongan ini tidak tercincir," katanya.

Beliau menjawab pertanyaan wakil rakyat Batu Tiga Danial Al-Rashid Haron yang mahu mengetahui usaha Unisel

bagi membantu pelajar dalam sidang Dewan Negeri Selangor pada 20 November.

Amirudin menambah Kerajaan Negeri turut menyediakan dana RM2 juta bagi meneruskan program Bantuan Yuran Asas Universiti (BAYU).

Unit Zakat Unisel pula menyalur bantuan yuran sebanyak RM249,000 pada 2021 diikuti RM249,639.08 pada 2022 kepada pelajar yang lulus dalam program bantuan berkenaan.

Mula kerja awal kompleks sukan

SHAH ALAM - Kerja awal menaik taraf Stadium Shah Alam dijangka dibuat pada bulan depan dengan kos anggaran antara RM30 juta hingga RM50 juta, kata Dato' Menteri Besar.

Dato' Seri Amirudin Shari berkata pelan kebenaran merancang bagi projek pembangunan Kompleks Sukan Shah Alam (KSSA) telah dihantar pada 15 November.

"Bagi kerja fasa pertama, kita sudah menghantar PKM pada 15 November lalu melalui Menteri Besar Selangor (Pembadan) atau MBI selepas proses pengambilalihan tanah kepada MBI.

"Insya-Allah pada Disember selepas mesyuarat unit pusat setempat, kita akan laksanakan kerja perobohan dengan kos RM30 juta hingga RM50 juta," katanya dalam sesi penggulungan pada 21 November.

RM650 juta laksana tebatan banjir

SHAH ALAM - Sejumlah RM650 juta diprurunku bagi melaksanakan rancangan tebatan banjir (RTB) Sungai Langat fasa 2 yang dijangka bermula pada Januari 2024 dan siap menjelang 2030.

EXCO infrastruktur berkata dana kerajaan persekutuan itu bagi menyelesaikan masalah bah di antara kawasan Dengkil hingga Labuhan Dagang, Sepang.

"Projek RTB Sungai Langat fasa 2 dibayai oleh kerajaan persekutuan di bawah projek tebatan banjir berkeutamaan tinggi yang diberikan kepada Jabatan Pengairan dan Saliran Malaysia.

"Peruntukan RM650 juta adalah sebahagian permohonan sejumlah RM2 bilion dari Jabatan Pengairan Selangor bagi penyelesaian isu banjir secara menyeluruh di kawasan Sepang," kata Ir Izham Hashim pada 21 November.

Rizab tiga bulan lancar pentadbiran

SHAH ALAM - Selangor memerlukan sekurang-kurangnya simpanan tiga bulan pendapatan bagi memastikan kelestarian kewangan negeri khususnya ketika berdepan situasi kecemasan.

Dato' Menteri Besar Dato' Seri Amirudin Shari berkata tabungan itu perlu dibuat setiap tahun bagi memastikan kelancaran pembayaran gaji kakitangan awam dan pelaksanaan program.

"Kita masih perlukan rizab yang mencukupi dan kita perlukan simpanan tiga bulan sekurang-kurangnya setiap tahun bagi memastikan kelestarian pembayaran gaji dan sebagainya," katanya dalam sesi penggulungan Belanjawan 2024 pada 21 November.

Beliau turut menyelar penggunaan rizab kewangan secara mendadak yang dibuat pada 2018 walaupun Selangor dan negara tidak berdepan bencana atau pandemik.

Bentang kajian RS-1 tahun depan

SHAH ALAM - Kerajaan Negeri bakal membentang Kajian Separuh Penggal (KSP) Rancangan Selangor Pertama (RS-1) tahun depan bagi memastikan setiap rancangan ekonomi berjalan lancar.

Dato' Menteri Besar Dato' Seri Amirudin Shari berkata KSP yang dibentang pada sidang Dewan Negeri Selangor (DNS) merupakan inisiatif terbaik bagi menilai setiap usaha.

"Kita akan buat KSP pada 2024, sesi kedua tahun depan, sekitar Februari dan Mac supaya kita boleh teliti semula dan lihat kesannya. Sebab semasa pembentangan itu kita belum lihat situasi global termasuk peperangan di Timur Tengah.

"KSP merupakan tempat penilaian terbaik. Ini membuktikan rancangan fiskal Kerajaan Negeri sentiasa inginkan yang terbaik," katanya ketika penggulungan Rang Undang-Undang (RUU) Perbekalan 2024 pada 20 November.

Amirudin juga yakin Selangor mampu mencapai sumbangan Keluaran Dalam Negeri Kasar (KDNK) sebanyak 30 peratus selewat-lewatnya pada 2026.

Menurutnya, sasaran sumbangan KDNK itu yang digagaskan daripada RS-1 memerlukan sekurang-kurangnya penambahan RM22.4 bilion setiap tahun.

Lebih 65 juta guna bas percuma

SHAH ALAM - Lebih 65 juta penumpang menggunakan perkhidmatan Bas Smart Selangor sehingga September lalu, kata EXCO mobiliti.

Ng Sze Han berkata jumlah penumpang bukanlah kayu ukur untuk menentukan keberhasilan kejayaan program walau pun perkhidmatan Bas Smart Selangor mendapat sambutan menggalakkan.

"Matlamat program Bas Smart Selangor bukan bertujuan mendapatkan keuntungan sebaliknya menggalakkan penggunaan pengangkutan awam oleh semua lapisan masyarakat.

"Selain itu, dapat mengurangkan bebanan kewangan bagi golongan berpendapatan rendah dan sederhana yang menggunakan perkhidmatan awam dalam urusan harian," katanya pada 17 November.

Sze Han berkata pihaknya juga mahu sistem pengangkutan awam negeri terus diperkasa supaya menjadi menjadi pilihan pertama rakyat.

RM88.88 bilion pelaburan sejak 2018

SHAH ALAM - Nilai pelaburan RM88.88 bilion diraih sepanjang tempoh lima tahun mulai 2018 hingga Jun hasil kelulusan 1,506 projek perkilangan, kata EXCO Pelaburan Ng Sze Han.

Menjelaskan promosi giat dijalankan secara fizikal atau dalam talian, beliau menambah RM53 bilion pula melibatkan pelaburan modal asing manakala baki RM35.88 bilion sektor tempatan.

"Projek perkilangan mewujudkan 95,610 potensi peluang kerja," katanya ketika menjawab soalan wakil rakyat Bukit Lanjan Pua Pei Ling di Dewan Negeri Selangor pada 16 November.

Katanya, industri sains hayat, pembuatan makanan dan minuman, produk elektrik dan elektronik, pengangkutan seperti aeroangkasa

dan dron antara tumpuan bagi menggalakkan lagi pelaburan.

"Bagi sektor perkhidmatan, sektor yang berpotensi antaranya perkhidmatan logistik, pelaburan digital seperti perniagaan perkhidmatan global, pusat data dan teknologi kreatif," katanya.



Sedia dana RM15.3 juta

Perkasa kemahiran 4,000 pelajar TVET

Oleh SOFIA NASIR

SHAH ALAM - Kerajaan Negeri berbelanja RM15.3 juta bagi memperkasa bidang pendidikan dan latihan teknikal dan vokasional (TVET) membabitkan 3,957 pelajar sejak 2018.

Dato' Menteri Besar Dato' Seri Amirudin Shari menjelaskan dana tersebut membantu pelajar menjalani modul latihan dan program berkaitan bawah institusi kelolaan Kerajaan Selangor.

"Beberapa usaha kita laksanakan untuk pembangunan TVET menerusi program bawah Inisiatif Kemahiran Teknikal (IKTISASS) di Pusat Pembangunan Kemahiran Teknikal Negeri Selangor.

"Ia menekankan ekosistem latihan kemahiran berorientasi industri iaitu Sijil Kemahiran Malaysia yang melengkapkan kemahiran lepasan Sijil Pelajaran Malaysia," katanya pada 17 November.

Berbasah dalam Dewan Negeri Selangor, Amirudin berkata penetapan syarat minimum dibuat bagi kursus

TVET bagi menarik minat belia selain menyediakan peruntukan khas pembiayaan pengajian.

"Kita ingin pastikan pendidikan TVET tidak hanya memberi penumpuan kepada program bagi pelajar yang gagal melanjutkan pengajian ke peringkat universiti.

"Ia juga disediakan kepada pelajar cemerlang yang mahu mengikuti pendidikan peringkat TVET kerana bidang ini turut menyediakan pendidikan tinggi," katanya.

Jajaran WCE siap 88.7 peratus

SHAH ALAM - Projek Lebuhraya Persisiran Pantai Barat (WCE) yang meliputi tujuh sektor mencapai kemajuan purata 88.7 peratus setakat 30 September, kata EXCO kemajuan desa.

Datuk Rizam Ismail menjelaskan jajaran sektor ketujuh ke Pembangunan Kawasan Sabak Bernam (SABDA) antara Assam Jawa hingga Tanjung Karang pula mencapai kadar kemajuan 64 peratus.

"Sektor kelima membabitkan Bandar Bukit Raja (Selatan) hingga Bandar Bukit Raja (Utara) siap sepenuhnya dan dibuka kepada pengguna," katanya di Dewan Negeri Selangor pada 17 November.

Beliau menjawab soalan Ahli Dewan Negeri Sabak Sallehen Mukhyi mengenai status mutakhir projek pembangunan SABDA.

Pada 21 November, laluan di persimpangan bertingkat Bandar Bukit Raja Utara ke persimpangan bertingkat Assam Jawa WCE dibuka kepada pengguna.

Pengecualian tol juga diberi sehingga 2 Januari 2024, kepada pengguna lebuh raya yang memasuki laluan Seksyen 6 sepanjang 21.8 kilometer (km) dari Plaza Tol Bandar Bukit Raja Utara ke Plaza Tol Assam Jawa atau arah sebaliknya.

Pembukaan laluan lebuh raya Seksyen

6 itu dijangka menjimatkan masa perjalanan dari Kapar, Klang ke Assam Jawa, Ijok yang dijangka mengambil masa hanya 15 minit berbanding 45 minit sebelum ini melalui laluan sedia ada.

Selain itu, pembukaan tersebut secara tidak langsung meningkatkan aktiviti pelancongan di kawasan berkenaan serta mewujudkan peluang baharu untuk perniagaan tempatan sekali gus merancakkan pertumbuhan sosio-ekonomi komuniti.

Sementara itu, projek naik taraf infrastruktur bangunan Pusat Konservasi Kelip-Kelip Sungai Panjang, Sabak Bernam yang dibuka setiap hari antara jam 6 petang hingga 10 malam juga siap sepenuhnya.



Hulu Selangor, Gombak, Petaling,				Hulu Langat dan Sepang					Klang dan Kuala Langat					Sabak Bernam dan Kuala Selangor									
	Imsak	Subuh	Syuru'	Zuhur	Asar	Maghrib	Isyak	Imsak	Subuh	Syuru'	Zuhur	Asar	Maghrib	Isyak	Imsak	Subuh	Syuru'	Zuhur	Asar	Maghrib	Isyak		
23 Khamis	5:40	5:50	6:59	1:02	4:24	7:00	8:13	5:40	5:50	7:00	1:03	4:25	7:01	8:14	5:42	5:52	7:01	1:05	4:27	7:01	8:15		
24 Jumaat	5:40	5:50	6:59	1:03	4:25	7:00	8:14	5:40	5:50	7:00	1:03	4:26	7:01	8:14	5:43	5:53	7:01	1:05	4:27	7:02	8:15		
25 Sabtu	5:40	5:50	7:00	1:03	4:25	7:00	8:14	5:40	5:50	7:00	1:03	4:26	7:01	8:15	5:43	5:53	7:02	1:05	4:27	7:02	8:15		
26 Ahad	5:41	5:51	7:00	1:03	4:25	7:01	8:14	5:41	5:51	7:01	1:04	4:26	7:02	8:15	5:43	5:53	7:02	1:05	4:28	7:02	8:16		
27 Isnin	5:41	5:51	7:00	1:03	4:26	7:01	8:15	5:41	5:51	7:01	1:04	4:27	7:02	8:16	5:43	5:53	7:02	1:06	4:28	7:02	8:16		
28 Selasa	5:41	5:51	7:01	1:04	4:26	7:01	8:15	5:41	5:51	7:01	1:04	4:27	7:02	8:16	5:44	5:54	7:03	1:06	4:28	7:03	8:16		
29 Rabu	5:42	5:52	7:01	1:04	4:26	7:02	8:15	5:42	5:52	7:02	1:05	4:27	7:02	8:16	5:44	5:54	7:03	1:06	4:29	7:03	8:17		



CERIA... Duli Yang Teramat Mulia Raja Muda Selangor Tengku Amir Shah berkenan menyampaikan piala kepada wakil pasukan Melawati, Ashwin Sabapathy (dua,kanan) yang menjuarai Kejohanan Golf Amal Raja Muda Selangor, di Kuala Lumpur Golf & Country Club pada 21 November. Dana lebih RM500,000 berjaya dikumpul bagi menyokong program Team Malaysia. Foto AHMAD ZAKKI JILAN

Elak penerima bantuan beli makanan segera

Tawar 16 barang asas berkhasiat

Oleh ZAREEF MUZAMMIL

SHAH ALAM - Pentadbiran negeri mewujudkan 16 barang asas yang boleh dibeli penerima Bantuan Kehidupan Sejahtera Selangor (BINGKAS) bagi memastikan mereka berbelanja secara berhemah.

Ia meliputi beras, daging, ayam, ikan, sayur-sayuran, telur, tepung, mi, buihun, roti, rempah-ratus, garam, gula, sos, kicap dan minyak masak, kata EXCO Kebajikan Masyarakat Anfaal Saari.

Senarai hitam pemaju bermasalah

SHAH ALAM - Ahli lembaga pengarah dan pemaju yang terlibat dalam 176 projek perumahan terbengkalai di Selangor bakal disenaraikan hitam meski hanya berperanan sebagai pemegang syer.

EXCO perumahan menegaskan pihaknya telah mendapatkan senarai nama daripada Suruhanjaya Syarikat Malaysia (SSM) untuk disenaraikan hitam dan diedar kepada pihak berkuasa tempatan.

Borhan Aman Shah berharap ketegasan sedemikian mampu menangani

Beliau menjelaskan makanan berproses, makanan segera dan makanan dalam tin tidak dibenarkan bagi menggalakkan penerima bantuan RM300 sebulan menyediakan menu berkhasiat kepada keluarga.

"Setakat 30 September, corak pembelian beras mencatat peratusan tertinggi iaitu 33.17 peratus, manakala rempah ratus, sos dan kicap 18.01 peratus. Daging atau makanan laut pula 13.49 peratus diikuti sayur-sayuran dan buah-buahan (7.21 peratus)," katanya.

Beliau menjawab pertanyaan wakil

rakyat Kampung Tunku Lim Yi Wei berhubung corak pembelian barang penerima BINGKAS dalam sidang Dewan Negeri Selangor di sini pada 15 November.

Dalam pada itu, Anfaal berkata dasar pemisah (exit policy) turut ditetapkan bagi program terbabit dengan tempoh manfaat untuk penerima yang berdaftar selama 24 bulan sahaja.

"Pada bulan ke-22, penerima akan menerima notifikasi untuk mengemas kini maklumat mereka bagi pemutihan," katanya yang juga wakil rakyat Taman Templar.

pembangunan perumahan dalam tempoh 30 hari dari tarikh kebenaran merancang.

Beliau menjelaskan pemaju tidak dibenar melaksanakan sebarang pembangunan di Selangor termasuk membuat permohonan pembangunan tanah jika dikenal pasti sudah disenaraikan hitam.

Borhan juga memaklumkan sebanyak 35,995 unit rumah terbengkalai direkodkan di Selangor setakat ini dengan Gombak mencatat angka tertinggi iaitu 7,792 unit diikuti Klang (5,943).

Jalan Batang Kali dibuka Mei 2024

SHAH ALAM - Jalan Batang Kali-Genting Highlands yang giat dibaiki akibat tragedi tanah runtuh Disember tahun lalu dijangka dibuka semula kepada orang awam selewat-lewatnya Mei tahun depan.

EXCO Infrastruktur Ir Izham Hashim berkata projek yang menelan belanja RM19 juta itu siap 38.6 peratus ketika ini dan ia perlu diteliti demi keselamatan pengguna.

Beliau menambah kerja baik pulih berkenaan dijadual siap pada 29 Mac sebelum dibuka selepas satu atau dua bulan dengan mengambil kira keadaan cerun dan keselamatan laluan tersebut.

Katanya, laporan lengkap tragedi yang mengorbankan 31 orang itu juga telah didedah kepada orang awam bulan lalu dan boleh dicapai menerusi laman sawang Agensi Pengurusan Bencana Negara (Nadma).

113,318 tunggu Rumah Selangorku

SHAH ALAM - Sebanyak 113,318 permohonan Rumah Selangorku disenarai dalam kategori menunggu setakat ini, kata EXCO Perumahan Borhan Aman Shah.

Beliau menjelaskan angka tersebut adalah jumlah keseluruhan permohonan yang masih aktif dalam Sistem Permohonan Hartanah Selangor dan belum ditawarkan kepada pembeli.

"Jumlah itu masih rendah berbanding jumlah unit Rumah Selangorku yang diluluskan Kerajaan Negeri iaitu sebanyak 180,000 unit," katanya 17 November.

Borhan menambah Kerajaan Negeri melalui Lembaga Perumahan dan Hartanah Selangor menyediakan garis panduan dan syarat pemilikan Rumah Selangorku.

"Ia termasuk pemohon atau pasangan belum memiliki rumah sama ada melalui projek kerajaan atau swasta di Selangor," katanya.

Giat naik taraf sistem tebatan

GOMBAK - Tindakan segera untuk menaik taraf sistem tebatan banjir dan ban di kawasan berisiko tinggi berlaku banjir giat dijalankan, kata EXCO Pengurusan Bencana Najwan Halimi.

Beliau menjelaskan ada lebih 200 kawasan berisiko dikenal pasti dan langkah berkenaan dijangka berupaya mengelak risiko berlaku bencana.

"Dato' Menteri Besar (Dato' Seri Amirudin Shari) telah arahkan jawatankuasa infrastruktur dan semua agensi terlibat segera menaik taraf ban dan sistem tebatan banjir."

"Perkara penting ialah pastikan insiden banjir tidak berulang atau paling tidak mengurangkan impak kejadian," katanya pada 18 November.

Teliti kaedah bantuan pendidikan

SHAH ALAM - Kerajaan Negeri meneliti kaedah sesuai bagi memastikan anak Selangor layak menerima Iltizam Anak Selangor (ANAS) meski lahir di negeri lain.

Dato' Menteri Besar Dato' Seri Amirudin Shari berkata ada kalangan ibu bapa di Sabak Bernam dan Sepang yang mendaftar kelahiran anak di negeri jiran berikutnya masalah tertentu.

"Di dua lokasi itu, ada ibu yang mengalami komplikasi bersalin dan terpaksa menyeberang ke Teluk Intan (Perak) dan Port Dickson (Negeri Sembilan).

"Jadi, kita akan teliti untuk kenal pasti mereka layak walaupun secara teknikal tidak layak kerana lahir di negeri lain," katanya dalam sidang Dewan Negeri Selangor pada 15 November.

Bincang selesai masalah banjir

GOMBAK - Kerajaan Negeri serius menangani isu banjir terutama melibatkan kawasan yang kerap dinaiki air dengan mengadakan perbincangan bersama Jabatan Pengairan dan Saliran (JPS).

Dato' Menteri Besar Dato' Seri Amirudin Shari berkata pihaknya menjalankan siasatan penuh sama ada masalah berkenaan disebabkan Projek Laluan Rel Pantai Timur (ECRL) atau punca lain.

"JPS telah dipanggil dan saya minta kembali semula selepas sidang dewan negeri untuk tengok pelan atasai banjir di kampung-kampung terbabit khususnya yang kerap berlaku.

"Laporan diterima dalam tiga minggu, ada dua kali dinaiki air, saya minta maaf banyak-banyak dan akan tengok serta tangani sepenuhnya," katanya pada 18 November.

Seragam peraturan operasi taska

SHAH ALAM - Kerajaan Negeri sedia mulakan program rintis bagi menggerakkan usaha menyeragam perundungan berkaitan operasi taska.

EXCO Kebajikan Masyarakat Anfaal Saari berkata langkah itu bertujuan memudahkan urusan permohonan serta menggalakkan pendaftaran pengusaha taska terutama yang beroperasi di rumah.

"Isu pendaftaran taska perlu ditangani dengan teliti kerana ketika ini syarat pendaftaran antara pihak berkuasa tempatan dan kementerian tidak sekata," katanya pada 17 November.

Perkara itu melibatkan penguatkuasaan Akta Taman Asuhan Kanak-Kanak (Taska) 1984 [Akta 308] serta Peraturan Taman Asuhan Kanak-Kanak 2012 serta Undang-undang Kecil pada peringkat pihak berkuasa tempatan.

Belanjawan negeri bela Orang Asli

SHAH ALAM - Masyarakat Orang Asli tidak pernah disisih sebaliknya sentiasa mendapat pembelaan sama rata dengan kaum lain, kata Dato' Menteri Besar Dato' Seri Amirudin Shari.

Beliau menjelaskan Belanjawan Selangor 2024 menyediakan peruntukan khas kepada mereka antaranya RM1 juta untuk mewarta kawasan perumahan Orang Asli.

"Kita juga siapkan RM1 juta tambahan untuk baiki rumah supaya mereka dapat kehidupan selesa.

"Untuk kebajikan pula, kita sediakan RM500,000 untuk program bakul makanan. Ini antara tanggungjawab pentadbiran negeri untuk menaik taraf kehidupan mereka," katanya pada 18 November.

Amirudin berkata dana turut disediakan bagi meneruskan biasiswa

Sagong Tasi, khas untuk anak Orang Asli yang melanjutkan pelajaran ke peringkat lebih tinggi.

"Bukan hanya peringkat universiti tetapi juga pelajar sekolah menengah supaya dapat menjaga pendidikan mereka," katanya.

Dalam Belanjawan Selangor, Kerajaan Negeri menyediakan peruntukan RM2.5 juta kepada Orang Asli, jumlah tertinggi dalam sejarah.

Persediaan depani bah

Sedia 1,152 pusat pemindahan

Oleh NORRASYIDAH ARSHAD

SHAH ALAM - Sebanyak 1,152 pusat pemindahan sementara (PPS) diwarta bagi berdepan kemungkinan banjir berikutan fenomena Monsun Timur Laut (MTL) yang dijangka berlarutan hingga Mac depan.

EXCO Pengurusan Bencana Najwan Halimi menjelaskan garis panduan termasuk pengendalian untuk mangsa yang mengalami masalah kesihatan juga disediakan dalam semua PPS berkenaan.

Beliau turut menambah semua aset seperti pam air dan stesen penting an-

taranya telemetri, amaran, sukatan luahan, curahan hujan, paras air dan kamera dipantau secara harian.

"Agensi tertentu antaranya polis, bomba, tentera dan Angkatan Pertahanan Awam pula diletak dalam keadaan bersiap siaga selain merangka pelan tindakan operasi.

"Selain itu, aset yang digunakan untuk operasi mencari dan menyelamat (SAR) juga ditempatkan di lokasi strategik," katanya pada 15 November.

Menjawab soalan wakil rakyat Subang Jaya Michelle Ng Mei Sze di Dewan Negeri Selangor, Najwan memberitahu bekalan keperluan asas mencukupi.

dalam keadaan baik dan mencukupi.

Najwan berkata Jawatankuasa Pengurusan Bencana Daerah yang dipengerusikan pegawai daerah bertanggungjawab menyelaras segala operasi bantuan.

"Pegawai daerah diarah membuat mesyuarat persediaan dengan segera bagi memastikan perancangan awal urusan pemindahan, menyelamat serta bekalan keperluan asas mencukupi," katanya.

Pada Oktober, Dato' Menteri Besar Dato' Seri Amirudin Shari berkata 10,000 pek keperluan asas banjir disediakan iaitu lebih sekali ganda berbanding bilangan mangsa pada 2021.

Patuhi syarat kuota Bumiputera

SHAH ALAM - Pemaju yang tidak mematuhi syarat peratusan kuota Bumiputera berdepan kemungkinan disenarai hitam dan denda, tegas EXCO Perumahan Borhan Aman Shah.

Beliau menjelaskan pemaju yang ingkar syarat kuota berkenaan ataupun terlebih menjual unit bukan Bumiputera berdepan proses 'blanket consent' atau 'blanket approval'.



"Pemaju akan disenarai hitam daripada membuat sebarang permohonan pelepasan kuota Bumiputera di Lembaga Perumahan dan Hartanah Selangor (LPHS) dan dikenakan denda lebih berat," katanya.

Beliau menjawab pertanyaan wakil rakyat Subang Jaya Michelle Ng Mei Sze berhubung penjualan lot Bumiputera kepada bukan Bumiputera di

Dewan Negeri Selangor pada 20 November.

Borhan berkata Kerajaan Negeri masih mengekalkan mekanisme sedia ada berpandu pelan tindakan (blueprint) Perumahan Negeri Selangor bagi menentukan peratusan pemilikan kuota Bumiputera.

Beliau menambah peraturan tersebut dikenakan semasa kelulusan tukar syarat kegunaan dan pemberi milikan tanah, yang akan diluluskan Majlis Mesyuarat Kerajaan Negeri.

Perkasa program bantuan blueprint

SHAH ALAM - Program Bantuan Blueprint Pembasian Kemiskinan tertumpu kepada tiga segmen utama ke arah meningkatkan taraf hidup golongan berpendapatan rendah (B40) termasuk miskin tegar.

EXCO Pembasian Kemiskinan V Paparaidu menjelaskan tumpuan berkenaan termasuk meneruskan pemberian bantuan peralatan untuk membantu B40 meningkatkan pendapatan bulanan.

Katanya, kursus dan latihan juga di-

adakan kepada B40 dalam lingkungan umur 15 hingga 60 tahun bagi mengubah sikap mereka selain memberi kemahiran baharu dan menggilap kemahiran sedia ada.

"Selain itu, pelaksanaan kajian pembasian kemiskinan bagi menentukan cabaran menotahkan kemiskinan dilaksanakan bagi mengeluarkan mereka daripada kepompong kemiskinan," katanya dalam sesi penggulungan Rang Undang-Undang Perbekalan

2024 pada 17 November.

Selain itu, Paparaidu juga menyambut baik cadangan mewujudkan program meningkatkan kemahiran kepada golongan rentan termasuk orang kurang upaya, warga emas dan bekas banduan.

"Katanya, Jawatankuasa Tetap Sumber Manusia bekerjasama dengan Menteri Besar Selangor (Pemerbadanan) atau MBI dan syarikat HRD Corp untuk pengajaran latihan kepada pencari kerja termasuk golongan rentan.



SEDIA... EXCO Pengurusan Bencana Najwan Halimi (dua, kanan) menyampaikan alatan kepada peserta Latihan Pengendalian Bot dan Water Confidence peringkat negeri di Empangan Batu, Gombak pada 18 November. Turut hadir EXCO Kebajikan Masyarakat Anfaal Saari (tengah). Foto Facebook Anfaal Saari

Buka mata mengenai Palestin

Redah hujan demi kuliah agama

Oleh SOFIA NASIR

SHAH ALAM - Seorang pelajar sanggup meredah hujan dengan motosikal sejauh hampir 20 kilometer demi menghadiri Majlis Ilmu Selangor Madani di Kediaman Rasmi Dato' Menteri Besar Selangor di sini.

Pelajar Universiti Kebangsaan Malaysia Abdul Rahimiey Abdul Rahman, 27, turut kehilangan fungsi telefon bimbitnya yang rosak akibat dimasuki air hujan.

Menurutnya, kehadiran ulama terkemuka Syeikh Dr Ali Muhyiddin Ali al-Qaradaghi menjadi pemangkin semangat kepadanya untuk hadir ke majlis ilmu itu meski berseorangan.

"Saya mengetahui mengenai program ini daripada rakan. Saya suka hadir ke majlis ilmu dan enggan melepaskan peluang mendengar tazkirah daripada ulama terkenal," kata penuntut sarjana psikologi kaunseling itu lagi.

Sementara itu, guru agama Shuhairezam Shuib, 41, berkata perkongsian Syeikh Dr Ali membuka matanya mengenai perperangan dan ujian yang sedang dihadapi umat Islam di Palestin.

Beliau yang hadir bersama suami juga berazam untuk mengikut setiap saranan yang disampaikan ulama itu bagi memastikan kemenangan berpihak kepada Palestin.

"Saya suka dengan perkongsian beliau yang membuka mata saya mengenai Palestin. Sudah tentu, selepas ini saya akan ikut setiap nasihat Syeikh Ali supaya Palestin bebas merdeka," katanya.

Terdahulu, hampir 200 umat Islam mengimarahkan Majlis Ilmu Selangor Madani yang diserikan dengan kehadiran setiausaha agung Kesatuan Ulama Muslimin Sedunia itu pada 17 November.

Program keagamaan itu dihadiri Dato' Seri Amirudin Shari bersama isteri Datin Seri Masdiana Muhamad, Setiausaha Kerajaan Negeri Dato' Haris Kasim dan EXCO Kebajikan Masyarakat Anfaal Saari.

Jemaah turut mendengar tazkirah selama satu jam oleh Syeikh Dr Ali bertajuk 'Peranan Ummah Dalam Pembebasan Al Aqsa' yang diterjemah ke dalam bahasa Melayu oleh Ahmad Firdaus Kadir.



Gambar adalah untuk tujuan ilustrasi sahaja

Rumah Berkembar 2 ½ Tingkat

- Keluasan Tanah dari 40' x 80'
- Keluasan Binaan dari 3,321 kps
- Harga dari **RM920,700.00** selepas bumiputera diskon 7%



Pemaju:



CAPAIAN SEMANGAT SDN. BHD. (1167765-W)
Botanic Business Gateway, No. 42A-1, Jalan Ramin 2/KS7,
Bandar Botanic, 41200 Klang, Selangor Darul Ehsan.

Tel: 03-3319 2955 H/P: 016-261 2955 Website: capaian.com
Lesen Pemaju: 20036/04-2028/0439 (R) • Tempoh Sah: 06/04/2023-05/04/2028 • No. Permit & Iklan: 20036-1/01-2024/0694 (R-L) • Tempoh Sah: 26/01/2023-25/01/2024 • PBT meluluskan Pelan Bangunan: Majlis Daerah Sabak Bernam • No. Rujukan PBT: 3E/OSC/34/2020(A)(10) • Tarikh Jangka Siap: Disember 2023 • Jenis Pegangan Tanah: Hakmilik Sementara • Hakmilik Tanah: Pajakan Selama 99 Tahun (Berakhir Pada 22 Jun 2119) • Bebanan Tanah Tiada • Sekatan Kepentingan: Tanah ini tidak boleh dipindahmilik, dipajak atau digadai. Melainkan dengan kebenaran pihak berkuasa tempatan • Jumlah Keseluruhan Unit: 16 Unit • Harga Jualan: RUMAH BERKEMBAR 2 ½ TINGKAT (40'-45' X 72'-112') (6 Unit) • RUMAH BERKEMBAR 2 ½ TINGKAT (40.7' X 80') (10 Unit) • Min: RM 920,700.00 - Mix: RM 1,067,874.00 (Selepas Bumiputra Diskon 7%)

Pameran udara, SIBS angkat nama negeri

SHAH ALAM - Sidang Kemuncak Perniagaan Antarabangsa Selangor (SIBS) dan Pameran Udara Selangor (SAS) mengharumkan imej Selangor sebagai destinasi tumpuan pelabur antarabangsa.

Wakil rakyat Balakong Ong Chun Wei berkata penganjuran kedua-dua program berkenaan membawa dampak besar dalam usaha merancakkan ekonomi negeri sekali gus membawa pulangan besar.

"SIBS dan SAS menjadi kebanggaan kepada negeri dan berjaya membawa nama Selangor ke peringkat antarabangsa serta merancakkan ekonomi negeri."

"Buktinya SIBS 2023 mencatat potensi transaksi RM6.12 bilion melalui 32 perjanjian persefahaman manakala SAS pula merekod 28 perjanjian persefahaman bernilai RM823 juta dimeterai," katanya pada 16 November.

Rangka panduan manfaat rawatan

SHAH ALAM - Manfaat rawatan hospital yang diumum dalam Belanjawan Selangor 2024 merangkumi sasaran penerima, jenis, jumlah kos serta senarai hospital panel akan diperinci.

Ahli Penasihat Kesihatan Awam Negeri Dr Mohammad Farhan Rusli berkata garis panduan itu bagi mengelak ketirisan sekali gus memastikan lebih ramai pesakit terutama pemegang polisi Iltizam Selangor Sihat (ISS) menikmati faedah.

"Kita buat garis panduan atau protokol siapa boleh terima manfaat hospital dan jumlah kos rawatan yang ditanggung. EXCO (Kesihatan Awam Jamaliah Jamaluddin) akan perinci mekanisme."

"Kita tidak mahu orang salah guna dan salah tafsir. Kerisauan kita, orang ramai sesuka hati mendapat rawatan di hospital swasta dengan anggapan Selangor tanggung sepenuhnya kos rawatan," katanya.

Langkah teroka teknologi baharu

SHAH ALAM - Penubuhan Pusat Kecerdasan Buatan Selangor dianggap langkah tepat dalam merebut peluang dalam bidang teknologi baharu yang sedang berkembang pesat di seluruh dunia.

Ketua pegawai eksekutif Perbadanan Teknologi Maklumat dan Ekonomi Digital Selangor (Sidec) berkata penubuhannya seiring hasrat melahirkan lebih ramai bakat dalam bidang teknologi kecerdasan buatan (AI).

"Sidec tubuh Sekolah Digital Selangor untuk melatih 600 pelajar dalam bidang AI dan menyalur mereka kepada syarikat teknologi untuk menyediakan lebih ramai bakat dalam bidang itu."

"Kelas pertama dimulakan bulan ini dengan sekurang-kurangnya 30 pelajar jurusan sains komputer Universiti Selangor (Unisel) mempelajari bidang berkaitan kejuruteraan AI," kata Yong Kai Ping.

Negeri sasar 27 juta pelancong 2024

KLANG - Kerajaan Negeri yakin lebih 27 juta pelancong dari dalam dan luar negara mengunjungi Selangor sehingga hujung tahun ini sekali gus mengatasi jumlah 22 juta sepanjang tahun lalu.

EXCO Pelancongan Ng Suee Lim berkata negeri merekod kehadiran 2.9 juta pelawat setakat suku kedua tahun ini dan meraih hasil perbelanjaan pelancong domestik sebanyak RM21.9 bilion.

"Sasaran boleh dicapai kerana Selangor jadi hab acara sukan seperti penganjuran kejohanan Regatta An-

tarabangsa Raja Muda Selangor, jalajah berbasikal hingga maraton dan MotoGP.

"Trend terkini seperti sektor ekopelancongan dan pelancongan agro juga menarik pelancong," katanya selepas merasmikan Kejohanan Regatta Antarabangsa Raja Muda Selangor pada 17 November.

Menjelaskan Tourism Selangor giat menjalankan promosi, Suee Lim memaklumkan pihaknya merangka pelbagai program untuk merancakkan lagi sektor pelancongan pada

tahun hadapan.

"Antaranya program seperti Selangor Cruise Festival, TUKANG Selangor 2.0 dan Selangor Travel Fair yang akan bermula sekurang-kurangnya pada suku kedua tahun hadapan," katanya.

Pada 2022, Selangor mengekal rekod nombor satu daripada aspek bilangan kedadangan pelancong domestik dengan catatan 22 juta jauh lebih tinggi berbanding negeri lain.

Angka itu sekali gus meletakkan Selangor sebagai negeri teratas meninggalkan Kuala Lumpur dengan 16.9 juta diikuti Sarawak (15.5 juta), Perak (14.6 juta) dan Pahang (13.2 juta).



Tingkat mutu perkhidmatan

Urusan skim mesra secara digital

Oleh **SOFIA NASIR**

SHAH ALAM - Program skim mesra akan didigital secara menyeluruh pada pertengahan tahun depan bagi meningkatkan mutu perkhidmatan kepada rakyat berikut pertambahan permohonan tahun ini.

EXCO Kebajikan Masyarakat Anfaal Saari percaya pemohon, waris atau pengurusan pusat khidmat boleh melebur baucar menerusi dalam talian menggunakan telefon bimbit mahupun komputer riba.

Beliau juga menolak andaian pendigitalan skim berkenaan boleh mem-

bawa kesan buruk kepada warga emas dan penduduk luar bandar yang tiada atau capaian internetnya lemah.

Menurut wakil rakyat Taman Templer itu, seramai 166,982 warga emas memiliki aplikasi Langkah Masuk Dengan Selamat (SE-Langkah) sejak ia diperkenal ketika pandemik Covid-19.

"Mengambil kira soal jurang digital bandar dan luar bandar, kita tetap menyediakan sokongan menerusi pusat khidmat dan penyelaras yang membantu pemohon serta penebusan baucar," katanya.



Berdasarkan Belanjawan Selangor 2024, program itu akan ditambah baik melalui sistem pendigitalan supaya pendaftaran dan penebusan baucar boleh dijalankan dalam talian.

Penambahbaikan inisiatif dengan kesan kewangan RM37.5 juta meliputi Skim Mesra Usia Emas dan dijangka melancarkan lagi urusan pemohon.

Sehingga kini, 547,269 didaftar sebagai ahli untuk menikmati manfaat baucar beli-belah RM150 setiap tahun dan khairat kematian bernilai RM500 kepada waris.

Caj perkhidmatan tampung operasi

SHAH ALAM - Yayasan Hijrah Selangor (Hijrah) berdepan kehilangan hasil RM21.3 juta dalam tempoh lima tahun akan datang jika caj perkhidmatan 10 peratus tidak dikenakan.

EXCO pemberdayaan usahawan berkata caj itu yang dikenakan sejak 1 September bertujuan menampung kos operasi Hijrah seterusnya membantu lebih ramai usahawan pada masa depan.

Najwan Halimi juga menjelaskan Hijrah yang bermatlamat membantu perniagaan kecil hanya menerima dana pada awal penubuhan pada 2015 tetapi tidak menerima sebarang peruntukan geran operasi.

"Sejak ditubuh, operasi Hijrah ditanggung caj khidmat lapan peratus yang dikenakan atas pembiayaan. Pada 2022, caj kepada peminjam bawah RM30,000 diturunkan kepada empat peratus.

"Ini akan mengakibatkan Hijrah mengalami kekurangan pendapatan RM21.3 juta untuk tempoh lima tahun akan datang," katanya dalam sidang Dewan Negeri Selangor pada 16 November.

Menjawab soalan wakil rakyat Sungai Panjang Mohd Razali Saari, Najwan turut menambah kenaikan peratusan berkenaan selaras kadar caj yang dikenakan Amanah Ikhtiar Malaysia.

"Tabung Ekonomi Kumpulan Usa-

ha Niaga (Tekun) mengenakan kadar empat peratus walau kos operasinya ditanggung kerajaan," katanya lagi.

Seramai 58,464 peniaga kecil dibantu bagi memulakan atau mengembangkan perniagaan menerusi dana lebih RM768.8 juta setakat Jun 2023. Seramai 34,823 daripadanya usahawan wanita.

Hijrah juga mengadakan bimbingan percuma termasuk kelas strategi Tik-Tok untuk meningkatkan perniagaan dan kursus pemasaran supaya produk mereka berdaya saing di dalam dan luar negara.

Pemohon boleh memuat turun maklumat pembiayaan menerusi www.hijrahselangor.com/risalah-skim-hijrah... atau pautan <http://mikrokredit.selangor.gov.my/>





Tokoh pembina negara



Tanggal 24 November genaplah setahun Datuk Seri Anwar Ibrahim meneraju negara. Pelbagai pencapaian dan pembaharuan diperkenal sepanjang tempoh tersebut. Sebagiannya dipaparkan pada halaman 9 hingga 16 edisi minggu ini.

Pengenalan konsep Malaysia Madani, strategi menangani isu ekonomi, kepentingan Islam, hubungan antarabangsa dan usaha memartabat bahasa Melayu antara topik yang dikupas.

Setiausaha Politik Kanan Perdana Menteri Datuk Seri Shamsul Iskandar Mohd Akin turut berkongsi perkembangan setahun kepada Pengarang Kumpulan Fathi Aris Omar, Ketua Pengarang Selangorkini Fazallah Pit dan wartawan Norrasyidah Arshad.

Bahagian kedua wawancara tersebut diterbitkan minggu depan (edisi 30 November-6 Disember). Untuk teks lengkap temu bual, pembaca boleh mengikuti ruangan rencana portal Selangorkini.my mulai 23 November.

Ramai mendapati Datuk Seri Anwar Ibrahim berbeza dengan pentadbir terdahulu. Boleh jelaskan apakah corak dan hala tuju pentadbiran beliau?

Saya fikir dari segi sejarah panjang Anwar itu sendiri menjadikan beliau sangat berbeza dengan perdana menteri sebelum-sebelum ini. Beliau melalui dua zaman. Bermula dengan aktivis hingga kemuncak sebagai pemangku perdana menteri. Kemudian laluan getir dalam politik, kembali semula. Dari satu sisi, beliau menyempurnakan satu kitaran kepimpinan. Ada pemimpin yang ada di atas, kemudian jatuh dan habis. Tapi yang dilalui Anwar, beliau berada di atas kemudian diuji kepimpinan, berada di bawah dan kembali. Jadi, sudah sempurna pengalaman.

Saya mulakan dari bawah sebab ini akan dijadikan panduan untuk melatari keputusan dan tindakan politik yang dibuat. Sebab itu, selepas mengangkat sumpah, perkara pertama yang beliau lakukan pada 19 Disember adalah pergi ke Dewan Rakyat. Menguji keabsahan beliau sebagai perdana menteri. Orang cakap-cakap tidak cukup jumlah, tidak ada

sokongan. Baik saya pergi ke Dewan Rakyat. Itulah forum yang sebenar dalam kerangka perlumbagaan Malaysia. Alhamdulillah dapat sokongan. Tidak ada pun proses belah bahagi oleh pembangkang.

Ini perkara yang sangat berbeza daripada perdana menteri sebelum-sebelum ini. Sebab itulah kita lihat pada peringkat awal beliau sebut hal ketulusan, meningkatkan maruah negara dan itu sangat fundamental. Lebih kepada kerangka nilai yang ingin disampaikan. Maknanya kita ada banyak pembangunan yang kita nampak tetapi pembangunan dari segi nilai belum dijawai sepenuhnya dalam jentera pentadbiran kerajaan. Jadi, itu dimulai untuk menyelesaikan perkara asas dalam menguruskan kerajaan.

Walaupun ada keabsahan tetapi ada ura-ura kerajaan ini akan tumbang, dari pilihan raya berlarutan sehingga kini. Sejauh mana ia menggugat kerajaan dan tidakkah ia menjaskan ekonomi?

Serangan pembangkang tertumpu aspek itu kerana mereka sudah lalui. Mereka lihat dahulu sepanjang pemerintahan lepas, perdana menteri

saling bertukar ganti daripada 2018 hingga 2022. Tiga kali pertukaran. Sebab itu, ada semacam motivasi dalam kalangan pembangkang untuk terus memainkan (isu itu) lagi. Tetapi saya lihat dan mengajak rakyat melihat secara objektif. Dalam kerangka mengurus negara ini, bagaimana hendak bentuk kerajaan, ia jelas bahawa mana-manapun perdana menteri di situ, ada institusi Yang di-Pertuan Agong untuk buat keputusan berdasarkan pertimbangan Baginda.

Saya fikir proses dilalui secara sempurna oleh Anwar. Prosesnya, perundingan dengan ahli parlimen, kemudian dipersembah kepada Yang di-Pertuan Agong, bersetuju. Kemudian dilantik, angkat sumpah, pergi ke parlimen. Itu tidak berlaku pada sesi-sesi lepas di mana seorang perdana menteri bertukar perdana menteri, beliau pergi ke Dewan Rakyat dan membuat usul untuk percaya atau mendapat sokongan. Itu tidak berlaku pada sesi lepas. Sekarang proses itu telah disempurnakan. Saya fikir atas dasar itu, ahli parlimen Bersatu menyokong perdana menteri. ►

Mereka dinyanyikan atau dilagu-lagukan akan bertukar perdana menteri, bertukar kerajaan tetapi selepas setahun, tidak berlaku.

Yang penting, mereka fikir kawasan perlukan pembelaan. Pengundi juga mahu pembelaan, sebab itu mereka menyatakan sokongan kepada Anwar.

Maksudnya mereka tiada program lain kecuali jatuhkan kerajaan seperti Langkah Sheraton, bukan lebih baik daripada Pakatan Harapan. Dalam bahasa mudah, pembangkang tidak mampu menawarkan lebih baik?

Saya fikir pembangkang lebih kepada istilah tepu, bankrap idea.

Dalam mana-mana demokrasi, kerajaan yang kuat penting.

Pembangkang yang berkesan juga penting kerana itulah natijah daripada proses demokrasi. Ada jadi kerajaan, ada jadi pembangkang.

Pada tahap ini, kita lihat dari segi elemen kepembangkangan tidak berkesan.

Kenapa saya katakan tidak berkesan?

Malnnya kalau dahulu, dan rakyat masih ingat, sewaktu pembentangan belanjawan, pasukan Anwar ada belanjawan alternatif dan itu dihidang dalam segala keterbatasan tetapi ia tidak berlaku sekarang.

Yang dilakukan hanyalah mainkan isu agama, raja, bangsa.

Dalam setahun ini, mutu perdebatan pembangkang sangat lemah.

Ya, sangat lemah. Kita boleh saksikan sendiri bagaimana watak-watak yang tidak perlu saya sebutkan di sini, ‘try hard’ menjadi pembangkang tetapi dangkal dari segi isu atau perkara yang dibawa.

Sebab itulah dimainkan lagu pertukaran kerajaan, tukar perdana menteri. Kita sudah pergi jauh. Perdana menteri, saya fikir, sudah naik maqam dia.

Bukan perdana menteri Malaysia semata-mata tetapi pemimpin serantau.

Dalam satu dua minggu kbelumakangan ini, kita tengok bagaimana beliau memperkasa kepimpinan untuk bercakap isu antarabangsa (Palestin) yang fundamental di depan kuasa besar dunia.

Rakyat Malaysia boleh menilai selama setahun ini.

Dalam waktu yang sangat cepat, perdana menteri cuba untuk pastikan dalam negara stabil, bawa juga isu rantau termasuk berdepan cabaran di Laut China Selatan dan akhirnya membabitkan isu Gaza

dan Palestin.

Saya rasa dalam setahun ini perkembangan cukup menarik walaupun kita tahu di luar sana, ada pelbagai pihak cuba menjatuhkan imej perdana menteri.

Bagaimana seharusnya peranan pembangkang? Adakah ada kerjasama? Malah, ada sokongan ahli parlimen pembangkang kepada perdana menteri. Adakah ada perbincangan lanjut untuk angkat martabat pembangkang supaya kompetitif dan bersaing dengan kerajaan?

Perdana menteri bersedia membuat rundingan dengan pembangkang, malah mengarah timbalan perdana menteri kedua jadi ‘person in charge’ atau pemimpin yang boleh memulakan rundingan.

Dalam erti kata memastikan ahli parlimen terutama pembangkang diberi peruntukan sewajarnya untuk membantu pengundi. Apakah ini tidak pernah dilakukan?

Perkara ini pernah dilakukan sewaktu Anwar (masih) ketua pembangkang. Beliau memulakan rundingan dengan mereka yang dilantik kerajaan.

Jadi, perdana menteri menggunakan pendekatan sama.

Tetapi kita lihat walaupun jiwa besar perdana menteri, nampaknya dari segi sambutan itu tidak memberangsangkan.

Mungkin mereka berasa ada ruang untuk tukar kerajaan tetapi di sebelah sana, ada tokoh veteran yang lama dalam politik.

Mungkin juga dalam satu sisi, mereka mungkin dalam tahap menyesuaikan diri sebagai pembangkang.

Tetapi saya lihat ada juga yang pertama kali, yang muda-muda terlalu ghairah keluarkan kenyataan hingga menggugat ketenangan negara, malah mengusik negara jiran dengan kenyataan yang pada saya di luar batasan sebagai ahli parlimen.

Anwar dari zaman aktivis, ketua pembangkang cenderung kepada golongan berpendapatan rendah termasuk petani. Ada usaha menuktahkan kemiskinan tegar, subsidi bersasar tetapi adakah ia mampu dicapai?

Sasarannya satu penggal. Malah, untuk menuktahkan kemiskinan tegar secara tuntas harus dicapai pada hujung 2023. Kenapa begitu?

Sebab itu perkara yang sangat memalukan bagi sebuah negara yang dianggap membangun, negara yang maju, yang ada pengurusan ekonomi terbaik tetapi dikesamping atau ada lagi miskin tegar.

Sebab itulah kita lihat pada peringkat awal beliau jadi perdana menteri, itu perkara pertama diumumkan, malah diberi peruntukan.

Maknanya ada komitmen bersungguh-sungguh. Ada agensi, Kementerian Ekonomi yang memantau perkembangan noktahkan kemiskinan tegar.

Saya percaya mungkin selepas ini ada program untuk membantu golongan miskin sebab menerusi temu ramah dengan majalah Time, ada tiga perkara penting yang beliau sebut.

Pertamanya untuk memastikan dari segi ekonomi, bukan sekadar berkembang tetapi juga memberi manfaat kepada rakyat. Adakah itu mudah?

Memang tidak mudah kerana kita berdepan isu legasi tetapi tindakan mesti diambil menjurus kepada ekonomi yang adil.

Sebab itu, beliau bersungguh-sungguh mengatakan orang-orang kaya tidak perlulah subsidi kerana tidak adil untuk golongan tidak kaya (tetapi) bukan bermakna antiorang kaya.

Saya tengok ada kumpulan pembangkang memainkan ‘Oh ini perdana menteri antiorang kaya’. Tidak. Orang kaya diberi peluang perniagaan, peluang memajukan syarikat.

Jadi, tidak perlulah subsidi. Yang kedua dari segi pendidikan. Sebab itu peruntukan sangat fundamental diberi kepada Kementerian Pendidikan.

Diletak seorang tokoh wanita yang punya latar belakang pendidikan yang baik untuk menjadi pemimpin di sebuah kementerian yang sangat ragam dan rencam untuk mengemudi kementerian ini.

Ketiga, beliau nyatakan sementara kita urus negara dalam keterbatasan, mesti ada kefahaman bahawa negara ini diasaskan dari kepelbagaian kaum.

Pada saya, ketiga-tiga ini tali-tali yang mengikat dasar negara supaya ia bergerak dalam suasana harmoni dan ke depan kerana kita tahu Malaysia ada pelbagai kaum yang harus disantuni, juga kita harus dilihat berlaku adil kepada mereka.

Kos sara hidup sekarang, kalau kita tengok hutang negara sangat besar dan ekonomi dunia tidak stabil. Bagaimana perdana menteri melihat situasi ini dalam kemajuan negara?

Dari segi petanda ekonomi, dari segi fundamental, pelaburan, alhamdulillah meningkat.

Dari segi pendapatan, negara kita pun bertambah baik kerana mereka yang bayar cukai yakin ini kerajaan yang bersih, yang bekerja bersungguh-sungguh untuk laksanakan ekonomi.

Cuma, kita ada cabaran, misalnya mata wang dolar Amerika.

Jadi, adakah itu tidak dibimbangi perdana menteri sebagai menteri kewangan?

Sudah pasti menjadi satu perkara yang difikirkan, bagaimana untuk tangani dan seperti disebut perdana menteri berulang kali dalam Dewan Rakyat, bagusnya negara kita ini dalam keadaan sekarang, adalah fundamental atau teras ekonomi bergerak dengan sangat positif.

Ada cabaran tertentu, tetapi apabila ringgit dengan dolar Amerika bertambah baik baru-baru ini, pembangkang tidak bising pula?

Maknanya, perlu lihat ada turun naik perdagangan



nilai mata wang tetapi yang penting bagaimana ekonomi yang sedang dibina sekarang. Kita bercakap tentang ekonomi Malaysia yang diwarisi iaitu berdepan hutang yang sangat signifikan, perlu atau tidak selesaikan masalah hutang?

Perlu, tetapi dalam masa sama jangan kita berusaha untuk menyelesaikan masalah hutang hingga terlupa pengurusan ekonomi untuk membantu rakyat.

Malaysia dan negara lain berdepan isu Covid-19 dan perang Ukraine-Rusia selain perkembangan teknologi maklumat yang luar biasa dan pendigitalan. Dalam hal ini, sepanjang setahun, adakah birokrat pada peringkat kementerian menyedari complexity dunia yang melingkungi ekonomi negara?

Ya, tidak semua pimpinan utama kerajaan (sebelum ini) menganggap bahawa perlu kepada tindakan bersungguh-sungguh untuk memastikan siap siaga berdepan pelbagai cabaran kerana mungkin budaya itu sekian lama berasa bahawa ‘business as usual’.

Namun, apabila kita diasak Covid-19, ada macam kesedaran dan saya percaya dengan komitmen bersungguh-sungguh perdana menteri menyelesaikan pelbagai masalah.

Macam ada keyakinan terutama dalam kakitangan penjawat awam untuk bersama-sama ikut langkah yang tegas, laju dan rajin oleh perdana menteri.

Saya pernah banyak kali sebut Malaysia tidak pernah ada perdana menteri macam Anwar, ‘from prisoner to prime minister’ belum ada.

Jadi, ini perkara penting untuk kita lihat secara objektif. Tentang kesensaraan rakyat, beliau lebih tahu. Tentang pengkhianatan, beliau lebih tahu.

Jadi, sebab itu ‘he is the well-equipped leader’ dan saya yakin kakitangan awam kanan terutama peringkat KSU (ketua setiausaha) dan segalanya mereka nampak perkara itu.

Dalam usaha tingkatkan pendapatan rakyat, supaya seiring dengan hasrat kerajaan, bagaimana kerajaan mulakan dalam keadaan sekarang ini?

Ya, perdana menteri ada nyatakan baru-baru ini perancangannya ialah untuk mengkaji, mengemuka idea gaji progresif, gaji yang berkembang.

Beliau menyebut dalam DOSM (Jabatan Perangkaan Malaysia), pelaburan meningkat tetapi gaji tidak meningkat, jadi tidak ada elemen ihsan, tidak ada elemen

kesejahteraan sesuai dengan pasak Malaysia Madani.

Sebab itu, dicadangkan idea untuk masa akan datang, sewajarnya kita mengambil pendekatan dan sikap untuk menilai semula gaji dengan mengemuka idea gaji progresif iaitu pendapatan atau pelaburan meningkat, pendapatan syarikat meningkat, maka gaji kakitangan juga harus dipertingkat.

Saya percaya dalam program membantu SME (industri kecil sederhana) memang ada dalam belanjawan dan berjaya ditingkatkan. Begitu juga dengan program dari aspek digitalisasi.

Baru-baru ini, perdana menteri ada rasmikan expo digital, juga bergerak ke arah itu.

Jadi, saya fikir dari segi ekonomi baharu untuk masa depan itu sudah rancak diperkatakan.

Kalau kita ambil contoh Tesla, misalnya mereka komited untuk membuka pejabat di sini.

Jadi, ekonomi-ekonomi baharu sedang disusun.

Saya yakin dalam masa setahun dua lagi akan membawa hasil dan memberi pendapatan kepada rakyat.

Anwar sejak zaman 1970-an memang terkenal dekat dengan pemimpin agama peringkat dunia dan tempatan tetapi sampai sekarang masih ada kritikan mengatakan seolah-olah perdana menteri tidak mengangkat martabat agama.

Yalah, saya fikir kumpulan yang menentang atau yang mengkritik perdana menteri sebenarnya tidak ada idea lain untuk mencacatkan imej perdana menteri.

Apakah perdana menteri ambil pendekatan layan semua?

Saya fikir apa yang beliau lakukan itu seolah-olah tidak terganggu dengan serangan yang dilakukan kumpulan ini.

Misalnya, sekarang kalau kita lihat Seri Perdana, kediaman rasmi, sudah jadi tempat kuliah agama.

Panggil tokoh agama membahaskan. Kerana beliau ingin beritahu rakyat, inilah beliau yang sebenarnya, kegiatan agama itu sendiri dan dari segi aspek Melayu itu sendiri.

Pada beliau, cukup dengan bercakap, kita kena buat.

Saya ingin lontarkan kepada mereka yang bercakap-cakap ini, apa yang mereka bangunkan institusi untuk menjayakan agenda atau memperkasa Islam?

Ini ada demonstrasi depan Istana Kehakiman.

Saya perlu ingatkan, yang mula-mula usahakan adanya pemisahan kedua-dua mahkamah itu (sivil dan syariah) berlaku pada zaman beliau sebagai timbalan perdana menteri iaitu pindaan Artikel 121 (1A) Perlembangan Persekutuan.

‘‘

Kita boleh saksikan sendiri bagaimana watak-watak yang tidak perlu saya sebutkan di sini, ‘try hard’ menjadi pembangkang tetapi dangkal dari segi isu atau perkara yang dibawa

Keputusan mahkamah syariah mesti dihormati mahkamah sivil, keputusan mahkamah sivil mesti dihormati mahkamah syariah.

Itu bila? Tahun 1990-an. Almarhum guru saya Profesor Ahmad Ibrahim, pakar undang-undang perlembangan, waktu itu mengusul pindaan Artikel 121 (1A) supaya perlembangan menghormati keputusan mahkamah syariah.

Jadi untuk mereka, kumpulan yang menentang, saya fikir mereka terlupa sejarah, jadi kita harus ingatkan bahawa Islam diukur dari segi amal, dari segi perbuatan, bangunkan ekonomi Islam, bangunkan Bank Islam.

Baru-baru ini, perdana menteri sebut pula, setelah berpuluhan-puluhan tahun kita bangunkan sistem ekonomi Islam, Bank Islam, kita harus tengok balik, adakah sistem ekonomi Islam Bank Islam menjamin keadilan sebenar untuk rakyat.

Dari segi aspek isu, mempertahankan perjuangan Gaza. Saya ingat tidak ada kumpulan sebelah pembangkang yang boleh cabar beliau.

Apa lagi yang ingin kita tunjukkan apabila baru-baru ini perdana menteri sebut sendiri di hadapan Presiden Amerika Syarikat, ‘stop the war’.

Jadi, apa lagi yang mereka ada? Sekadar perli, kritik dan sebagainya.

Sebab itulah saya minta selepas setahun, semua jentera penerangan kerajaan termasuk Jabatan Kemajuan Islam Malaysia (Jakim) harus bersama-sama dalam jihad ini untuk membetulkan perspektif bahawa perdana menteri ingin membawa negara selari hasrat dan aspirasi sebenar syariah yang dibawa Islam.

Saya selalu sebutkan pilihlah Islam ala Anwar atau Islam ala Hadi (Tan Sri Abdul Hadi Awang). Saya selalu sebutkan begitu.

Di sebalik pelbagai usaha perdana menteri mengangkat institusi Islam, adakah ia mampu menarik penyokong Melayu yang cenderung memilih pembangkang terutama di empat negeri ketika pilihan raya lalu?

Saya fikir usaha ini mesti berterusan, usaha memberi pendidikan kepada orang-orang

Melayu dan pengundi Melayu terutamanya.

Bahawa yang sedang diikhtiaran perdana menteri dan kabinet adalah daripada aspek membangun suatu dasar yang menyeluruh.

Perubahan itu perlu sedikit demi sedikit. Bukan sifatnya drastik atau yang menyebabkan kita berdepan cabaran lain kemudiannya.

Sebab itu, dalam hal ini, saya setuju bahawa hasil daripada keputusan pilihan raya negeri lepas, kita ada banyak kerja.

Kita berdepan dengan cabaran sosial media seperti TikTok yang melakukan ‘misinformation’ dan ‘disinformation’ (penyelewengan maklumat).

Perdana menteri mengarahkan surat rasmi kepada jabatan kerajaan ditulis dalam bahasa Melayu. Adakah perancangan lain untuk memartabat bahasa Melayu? Apakah ini cara yang boleh menarik kembali pengundi Melayu kepada kerajaan?

Beliau ingin meneruskan apa yang dibawa bekas Perdana Menteri Datuk Seri Ismail Sabri Yaakob.

Dimulakan dengan kerajaan atau surat menyurat kepada kementerian itu kerana kita berasa tidak mungkin bahasa Melayu boleh diperkasa jika syarikat Malaysia sendiri tidak menulis menggunakan bahasa Melayu.

Dalam konteks apa yang cuba dibawa perdana menteri yang dahulu, tidak perlu sampai bersyarah pada peringkat antarabangsa dalam bahasa Melayu.

Di sekolah rendah kita belajar bahasa Inggeris, sekolah menengah pun bahasa Inggeris, tetapi paling tidak dari aspek pemerkasaan bahasa, kita mulai daripada rumah tangga kita.

Hendak berurusan dengan kerajaan, kementerian, kalau syarikat tempatan gunakanlah bahasa Melayu tetapi kalau syarikat antarabangsa itu silakan kerana mereka syarikat luar.

Tetapi saya melihat kepada perkara lebih besar lagi kerana kita kena jadikan bahasa Melayu bahasa ilmu.

Kalau kita tengok perdana menteri baru-baru ini pergi kempen membaca buku untuk memberi contoh dan perdana menteri sendiri seorang pembaca tegar.

Banyak buku beliau ulas dalam ucapan, sampai kadang-kadang dalam kalangan kakitangan tanya perdana menteri ini muhi jadi pensyarah ke perdana menteri?

Kerana kupasan beliau tentang buku sangat mengesankan.



Menghadiri Mesyuarat Majlis Kebangsaan Bagi Hal Ehwal Agama Islam Malaysia (MKI) ke-70 yang dipengerusi Sultan Sharafuddin Idris Shah Alhaj di Masjid Sultan Salahuddin Abdul Aziz Shah, Shah Alam pada 28 Ogos 2023



Mengiringi Yang di-Pertuan Agong Al-Sultan Abdullah Ri'ayatuddin Al-Mustafa Billah Shah dan Raja Permaisuri Agong Tunku Azizah Aminah Maimunah Iskandariah menyaksikan persembahan sambutan Hari Kebangsaan ke-66 di Dataran Putrajaya pada 31 Ogos 2023



Mengiringi Yang di-Pertuan Agong Al-Sultan Abdullah Ri'ayatuddin Al-Mustafa Billah Shah ketika Mesyuarat Majlis Raja-Raja ke-262 yang dipengerusi Sultan Ibrahim Sultan Iskandar di Istana Negara pada 26 Oktober 2023



Bersama Timbalan Perdana Menteri II Datuk Seri Fadillah Yusof, Ketua Menteri Sabah Datuk Seri Hajiji Noor dan Premier Sarawak Tan Sri Abang Johari Openg ketika Mesyuarat Majlis Tindakan Pelaksanaan Perjanjian Malaysia 1963 di Kuching pada 20 Januari 2023



Timbalan Perdana Menteri I Datuk Seri Ahmad Zahid Hamidi, Fadillah (dua, kanan) dan Ketua Setiausaha Negara Tan Sri Mohd Zuki Ali menanti tandatangan Anwar di atas buku Membangun Negara Madani selepas majlis pelancaran di Putrajaya pada 19 Januari 2023



Bersama calon Selangor termasuk Amirudin ketika kempen akhir pilihan raya negeri di AU2 Keramat, Ampang Jaya pada 10 Ogos 2023



Perdana Menteri Arab Saudi Putera Mahkota Mohammed Salman dan Presiden Palestin Mahmoud Abbas bersama Anwar ketika sidang Pertubuhan Kerjasama Islam (OIC) di Riyadh pada 11 November 2023



Lima hari selepas mengangkat sumpah, perdana menteri menyampaikan amanat sulung kepada penjawat awam dalam Perhimpunan Bulanan Perdana Menteri Bersama Warga Jabatan Perdana Menteri di Putrajaya pada 29 November 2022

TANPA diduga, setelah penantian 25 tahun, Datuk Seri Anwar Ibrahim dilantik perdana menteri kesepuluh pada 24 November 2022. Dengan langkah Malaysia Madani, beliau segera memulihkan kestabilan politik melalui pembentukan Kerajaan Perpaduan.

Dengan sokongan pelbagai gabungan parti besar, beliau berusaha memacu perkembangan ekonomi termasuk manirik pelaburan asing.

Ketika muncul perang Palestin-Israel pada awal Oktober, kepemimpinan Anwar makin terserlah dalam hubungan antarabangsa khususnya negara umat Islam di Asia Barat.

Kumpulan foto ini merakam sebahagian majlis dan pertemuan penting dengan Duli Yang Maha Mulia (DYMM) Yang di-Pertuan Agong Al-Sultan Abdullah Ri'ayatuddin Al-Mustafa Billah Shah, DYMM Sultan Selangor Sultan Sultan Sharafuddin Idris Shah Alhaj dan DYMM Sultan Johor Sultan Ibrahim Ibni Almarhum Sultan Iskandar.

Ketika berdepan pilihan raya di enam negeri pada Ogos, Anwar tanpa jemu bergerak ke setiap kerusi tumpuan, termasuk bersama Dato' Menteri Besar Dato' Seri Amirudin Shari yang mengetuai kempen parti Kerajaan Perpaduan Selangor.

Semua foto ihsan Facebook Anwar Ibrahim dan keterangan disediakan oleh HAFIZAN TAIB.



Presiden Turkiye Recep Tayyip Erdogan menyambut kunjungan Anwar di Turkish House, New York pada 21 September 2023



Bersama beberapa tokoh ulama jemputan dari Palestin, United Kingdom dan Gambia di majlis keilmuan di Kompleks Seri Perdana, Putrajaya pada 18 Jun 2023




Pulang dari Timur Tengah, perdana menteri memimpin Himpunan Malaysia Bersama Palestin di Kuala Lumpur pada 24 Oktober 2023



Anwar (tengah, belakang) dalam Mesyuarat Pemimpin Kerjasama Ekonomi Asia Pasifik di California pada 16 November 2023



Perdana menteri Malaysia (dua, kanan) menghadiri Sidang Kemuncak Asean ke-43 di Jakarta pada 5 September 2023



Anwar bersama Perdana Menteri China Li Qiang ketika Ekspo China-Asean ke-20, di Nanning, Guangxi pada 17 September 2023



Menyerah autobiografi Syeikh Dr Yusuf al-Qaradawi kepada anak almarhum selepas pelancarannya di Kuala Lumpur pada 11 Julai 2023

Dasar mesra rakyat

Setahun selepas Datuk Seri Anwar Ibrahim menjadi perdana menteri pada 24 November 2022, banyak dasar dan insentif baharu mencakupi pelbagai bidang diperkenal atau ditambah baik.

Mereformasi institusi, menyusun semula ekonomi, membaiki sistem pendidikan, berusaha menghapus kemiskinan tegar dan membela golongan rentan antara pembaharuan yang giat dijalankan.

Wartawan FARIDZWAN ABDUL GHAFAR menyusun sebahagian inisiatif tumpuan yang memanfaat segenap lapisan rakyat sepanjang 12 bulan pentadbiran Kerajaan Perpaduan.

24 November 2022 – Anwar angkat sumpah perdana menteri dan membentuk Kerajaan Perpaduan

22 Januari 2023 – perdana menteri umum agihan perbelanjaan tahunan serta lantikan wakil Sabah dan Sarawak dalam Lembaga Hasil Dalam Negeri, antara perkara utama Perjanjian Malaysia 1963 selesai.

Kerajaan juga memulangkan kuasa pelaksanaan perbelanjaan pembangunan infrastruktur awam kepada kerajaan Sabah dan Sarawak

31 Januari – lancar Menu Rahmah. Bekerjasama dengan pengusaha makanan, hidangan lengkap dijual RM5.

Menu Rahmah diperluas ke Jualan Rahmah, Bakul Rahmah, Pakej Jalur Lebar Rahmah, Kad Diskaun Khas Menu Rahmah dan Sumbangan Asas Rahmah (Sara) bawah inisiatif Payung Rahmah.

Kerajaan juga belanja hampir RM8 bilion untuk Sumbangan Tunai Rahmah 2023 kepada 8.7 juta penerima, memanfaatkan hampir 60 peratus penduduk dewasa Malaysia

24 Februari – Anwar bentang belanjawan persekutuan pertama kali.

Dinamakan Belanjawan Madani, antara tumpuan perkenal Cukai Barang Mewah.

Kes muflis hutang kurang RM50,000 yang memenuhi syarat dilepas mulai 1 Mac

21 Mac – Kementerian Pendidikan maklum menyerahkan draf mewajibkan pendidikan peringkat sekolah menengah kepada Pejabat Peguam Negara.

Pada 10 Ogos, Menteri Pendidikan Fadhlina Sidek berkata kementeriannya dalam proses memuktamad dasar mewajibkan pendidikan sekolah menengah

11 Julai – Menteri Pendidikan Fadhlina Sidek umum RM70,000 diagih kepada sekolah-sekolah bawah kementeriannya untuk membaiki tandas daif.

Ia sebahagian peruntukan RM1.4 bilion diumum perdana menteri pada 13 Jun bagi membaiki kemudahan awam rosak seluruh negara

11 Julai – perdana menteri memaklumkan kerajaan dalam proses merangka dasar anti-Ali Baba bagi menangani kesan negatif budaya itu terhadap ekonomi.

Kementerian Ekonomi dan Jabatan Peguam Negara dengan agensi kerajaan berkaitan



mengkaji perundangan bersesuaian membanteras aktiviti Ali Baba

13 Julai – Kerajaan Perpaduan cadang laksana Dasar Gaji Progresif. Menerusinya, gaji pekerja seluruh negara ditingkatkan.

Menteri Ekonomi Rafizi Ramli jangka dasar itu dilaksana April atau Mei 2024

27 Julai - Menteri Ekonomi Rafizi Ramli meluncur Pelan Hala Tuju Peralihan Tenaga Negara (NETR).

Ia menggariskan langkah mencapai sasaran kapasiti tenaga boleh diperbaharui 70 peratus menjelang 2050.

Turut diiumum 10 projek rintis perdana dijangka menjana pelaburan RM25 bilion dan 23,000 peluang pekerjaan bernilai tinggi

12 Ogos – pilihan raya enam negeri. Turut diadakan pilihan raya kecil parlimen Kuala Terengganu.

Pakatan Harapan-Barisan Nasional mengekalkan Pulau Pinang, Selangor dan Negeri Sembilan. Manakala Kedah, Kelantan dan Terengganu dan parlimen Kuala Terengganu pada pembangkang

19 Ogos – Kementerian Pendidikan meluncur modul Penghayatan Hadis 40 Imam Nawawi.

Memupuk penghayatan hadis dalam kalangan pelajar, ia dilaksana di sekolah menengah kebangsaan agama dan sekolah agama bantuan kerajaan, sebelum ke sekolah di bawah Kementerian Pendidikan tahun depan

1 September – Anwar yang juga menteri kewangan melancarkan Pelan Induk Perindustrian Baharu (NIMP).

Pelan itu meningkatkan nilai tambah sektor pembuatan kepada RM587.5 bilion menjelang 2030.

Peluang pekerjaan diunjur berkembang 2.3 peratus dari 2023, menyediakan peluang kehidupan lebih baik untuk 3.3 juta individu menjelang 2030

11 September – Kajian Separuh Penggal Rancangan Malaysia Ke-12 (RMK12) dibentang.

Perdana menteri umum peningkatan RM15 bilion untuk siling perbelanjaan rancangan, menaikkan peruntukan RMK12 kepada RM415 bilion.

RMK12 diajar semula dengan dasar Ekonomi Madani bertujuan memperkasa dan merancakkan ekonomi bagi tempoh 10 tahun

9 Oktober - Menteri di Jabatan Perdana Menteri (Undang-undang dan Reformasi Institusi) Datuk Seri Azalina Othman Said di Dewan Rakyat berkata dua pasukan petugas khas ditubuh mengkaji pemisahan kuasa Peguam Negara dan Pendakwa Raya.

Kajian dilaksana Pasukan Petugas Khas Kajian Komparatif dan Pasukan Petugas Khas Teknikal memastikan pengasingan telus tanpa pengaruh politik

9 Oktober - Rang Undang-Undang Kewangan Awam dan Tanggungjawab Fiskal 2023 dibentang Timbalan Menteri Kewangan I Datuk Seri Ahmad Maslan bagi bacaan kali pertama di Dewan Rakyat.

Ia selaras pengumuman perdana menteri pada 24 Februari mahu memperkenal akta memastikan tahap ketelusan tinggi dan pengurusan ekonomi lebih bertanggungjawab

13 Oktober – Anwar membentang Belanjawan 2024. Antara tumpuan, membela golongan miskin tegar apabila meneruskan rebat bil elektrik sehingga RM40 sebulan.

Pelajar tidak mampu membayar yuran universiti juga tidak disekat mendaftar subjek setiap semester. Turut diumum pemberian 100,000 topi keledar percuma kepada kanak-kanak daripada keluarga kurang mampu.

Sebanyak RM1.4 bilion pinjaman mikro Bank Simpanan Nasional disedia untuk penjaja dan pengusaha kecil. Duti hiburan persembahan artis tempatan juga dikecualikan

Angkat agama, umat

OLEH ABDUL RAHIM SABRI

Malaysia memang tegas memperjuangkan nasib Palestin. Pada 1978 dan 1982, negara mengeluarkan setem "Untuk Kebebasan Palestin" sebagai tanda sokongan kepada perjuangan tersebut.

Perdana Menteri Datuk Seri Anwar Ibrahim menegaskan lagi nasib rakyat Palestin di depan pemimpin besar dunia ketika sidang Kerjasama Ekonomi Asia Pasifik (Apec) di California, Amerika Syarikat (AS) pada 17 November.

"Semasa Mesyuarat Pemimpin Ekonomi Apec yang dipengerusikan oleh Presiden (AS) Joe Biden pada Jumaat lalu, saya tegaskan betapa penting untuk semua negara berpadu, dan dalam satu suara, pada saat ini bagi mendesak gencatan senjata di Semenanjung Gaza supaya pembantaian ke atas warga awam termasuk wanita, kanak-kanak dan bayi oleh rejim ganas Israel ditamatkan."

"Tegakkan keadilan, keamanan dan jamin hak asasi manusia sesegera mungkin!" tulis beliau, yang juga menteri kewangan, di Facebook pada 19 November.

Selain pendirian tegas Malaysia, hubungan Anwar dengan perjuangan Palestin bermula lebih awal lagi, ketika beliau memimpin Angkatan Belia Islam Malaysia (Abim) sepanjang 1970-an lagi.

Malah, menurut ahli akademik terkenal Profesor James Chin, ketika berada di luar kerajaan sejak 1998, Anwar "sentiasa teguh mendukung perjuangan Palestin dan beliau bertemu dengan pemimpin Ikhwanul Muslimin."

Serangan udara dan darat tentera Israel terhadap Gaza, setakat 22 November, mengorbankan sekurang-kurang 14,300 orang. Sebahagian besar mangsa serangan bom itu wanita dan kanak-kanak.

Menyedari konflik semakin memburuk sejak 7 Oktober, selaku perdana menteri, Anwar tidak duduk diam. Sebaliknya secara aktif, beliau melobi pemimpin pelbagai negara dan badan antarabangsa supaya mendesak gencatan senjata dicapai secepat mungkin.

Tekanan Amerika

Sebagai pemimpin Islam berpengaruh, beliau mengadakan pertemuan dengan beberapa pemimpin dunia Islam ketika Sidang Kemuncak Pertama Asean-Majlis Kerjasama Teluk (GCC) di Riyadh, Arab Saudi pada 19 dan 20 Oktober, dua minggu selepas konflik meletus.

Anwar turut bertemu Putera Mahkota Arab Saudi Mohammed bin Salman di Istana Al-Yamamah pada 21 Oktober.

Di celah-celah kepadatan jadual, beliau yang juga menteri kewangan sempat bertemu Setiausaha Agung Liga Muslim Sedunia Dr Mohammad Abdul Karim Al-Issa sehari sebelum itu.

Pada 22 Oktober, Anwar bertemu sahabatnya Presiden Turkiye Recep Tayyib Erdogan di Istanbul sebelum bertemu Presiden Mesir Abdul Fattah Al-Sisi sehari kemudian dalam usaha menyelesaikan konflik di Palestin.



Sehari kemudian, beliau menyertai perhimpunan besar di Bukit Jalil, Kuala Lumpur yang dihadiri belasan ribu orang. Di pentas ini beliau dengan tegas melaungkan "Palestine merdeka!" beberapa kali.

Malaysia, bawah kepimpinan Anwar, bertegas menolak tekanan Amerika Syarikat dalam isu hubungan Malaysia dengan Harakatul Muqawamatul Islamiah (Hamas).

Hujung Oktober lalu, di Parlimen, Anwar mendedahkan Malaysia menerima tiga notis tata tindak daripada Kedutaan Amerika Syarikat kerana enggan menganggap Hamas sebagai kumpulan pengganas.

"Saya sudah menjawab dalam majlis (solidariti Palestin) di stadium baru-baru ini, saya tegaskan bahawa Malaysia kekal dengan pendirian bebas kita dengan pertimbangan kemanusiaan dan menganggap pencerobohan itu (salah) dari segi undang-undang dan kaedah antarabangsa kerana perkara ini

sudah berlarutan berdekad-dekad sejak 1948," katanya.

Kitab Hadis 40

Seminggu kemudian beliau menjelaskan pendirian negara menolak sekatan yang dibuat bawah Akta Pencegahan Pembentukan Antarabangsa Hamas di kongres Amerika Syarikat.

"Pertamanya, kita tidak bersetuju dengan cara yang dibuat Amerika Syarikat dan keduanya, ia tidak mempengaruhi dasar dan keputusan kita.

"Semalam (6 November) saya menghubungi beberapa sahabat dan negara Islam yang memberikan pendirian sama... sebab itu hubungan dengan Hamas kita teruskan dulu dan sekarang serta tidak menghukum mereka sebagai pengganas," katanya di Dewan Rakyat pada 7 November.

Selain perjuangan Palestin, Anwar sentiasa meningkatkan usaha memartabatkan Islam sama ada dalam bidang pendidikan, ekonomi dan keilmuan.

Pada Mei, beliau menyaran pengajaran kitab terkenal Hadis 40 Imam Nawawi untuk pelajar Islam.

Ia diperkenal tahun depan. Program rintis itu melibatkan 61 sekolah menengah kebangsaan agama dan 228 sekolah agama bantuan kerajaan seluruh negara.

Pada Julai, beliau melancarkan buku terjemahan Adab Perbezaan Pendapat dalam Islam karya sahabat karibnya Dr Taha Jabir al-Alwani di Putrajaya.

Buku ini yang pernah diterbitkan kira-kira 30 tahun lalu menjelaskan cara berbeza pendapat agar umat Islam hidup harmoni.

Tidak cukup dengan itu, susulan pembakaran al-Quran di Sweden pada awal tahun ini, beliau mencadang edaran sejuta kitab suci itu bersama terjemahan dalam beberapa bahasa utama dunia.

Demi memartabatkan bahasa Melayu sebagai bahasa kebangsaan, perdana menteri menegaskan semula dasar sedia ada urusan surat-menyerat kepada jabatan kerajaan, kecuali daripada agensi luar negara, mestilah menggunakan bahasa ibunda.

"Sesiapa sahaja menulis (surat) selain dalam bahasa kebangsaan, (maka) surat itu akan dipulangkan," katanya pada Karnival Dekad Bahasa Kebangsaan dan Dekad Membaca Kebangsaan 2023 di Sepang pada 25 Oktober lalu.

Dengan iltizam sedemikian, tidaklah benar menuduh Anwar tidak endah isu Palestin atau kurang menitik berat permasalahan agama. Seluruh hidupnya telah dihabiskan untuk mengangkat martabat agama dan umat.

PM suntik keyakinan

Selama 12 bulan berada bawah kepemimpinan Datuk Seri Anwar Ibrahim, keyakinan banyak pihak terhadap hala tuju negara berjaya dipulihkan.

Memperoleh mandat dua pertiga ahli parlimen untuk mengemudi negara, Anwar segera melaksana reformasi, menarik kedatangan pelabur dan meletakkan Malaysia di landasan tepat untuk terus berkembang maju.

Sepanjang setahun, usaha tertumpu membela golongan berpendapatan rendah berikutnya kelemahan pentadbiran terdahulu. Beliau berusaha mengatasi masalah itu melalui pembaharuan institusi, dasar dan undang-undang.

Imej negara pada peringkat antarabangsa turut melonjak. Pelbagai isu serantau mahupun global disuarakan Anwar hasil hubungan baik dengan ramai pemimpin dunia.

Wartawan NAZLI IBRAHIM, ZAREEF MUZAMMIL, NORRASYIDAH ARSHAD, SHEEDA FATHIL dan ABDUL RAHIM SABRI merakam reaksi ahli ekonomi, penulis buku politik, wakil rakyat, penyelidik bebas dan penggiat seni terhadap pentadbiran 12 bulan perdana menteri.

Dr Nungsari Ahmad Radhi,
ahli ekonomi

Kerajaan Perpaduan bawah pimpinan Datuk Seri Anwar Ibrahim membawa satu kestabilan politik dalam negara. Penguasaan dua pertiga Dewan Rakyat membolehkan tumpuan diberi kepada usaha mentadbir negara pada era pascapandemik yang mencabar terutama faktor luaran seperti perang di Ukraine dan Gaza, ketegangan China dan Amerika Syarikat serta dasar kewangan.

Kerajaan juga meluluskan Akta Tanggungjawab Fiskal untuk menjadikan pengurusan kewangan negara jauh lebih telus dengan melibatkan Parlimen. Akta ini melihat menteri kewangan menurunkan kuasa menteri kepada Parlimen bagi mengelakkan salah guna kuasa seperti 1Malaysia Development Berhad tidak berulang pada masa depan.

Kerangka agenda Ekonomi Madani yang dilancarkan pula menjelaskan falsafah pembangunan kerajaan serta menggariskan komponen utama dalam bentuk 'rumah Malaysia' bagi meningkatkan kebijakan masyarakat di pinggiran serta membina daya saing baharu untuk negara.

Dr Mohd Afzanizam Abdul Rashid,
ketua ekonomi dan kewangan sosial Bank Muamalat Malaysia Bhd

Datuk Seri Anwar Ibrahim cakna keperluan untuk merancakkan ekonomi negara selain mengambil maklum keperluan (ekonomi) dalam tempoh sederhana dan jangka panjang.

Ini dapat dilihat beberapa dokumen penting dikongsi tahun ini seperti Pelan Induk Perindustrian Baharu 2030, Pelan Hala Tuju Peralihan Tenaga Negara, kajian separuh penggal Rancangan Malaysia ke-12 dan Belanjawan Negara 2024 yang dilihat seimbang dengan mengambil kira keperluan semasa.

Bukan mudah membuat pertimbangan itu memandangkan ekonomi dunia berdepan situasi tidak menentu seperti kenaikan drastik kadar faedah di negara maju seperti Amerika Syarikat,

kelembapan ekonomi China yang terhambat akibat situasi sektor hartanah mereka dan faktor geopolitik.

Mohamad Sayuti Omar,
penulis buku politik

Dalam tempoh setahun masih tidak boleh dibuat ukuran berhubung keberkesanan pentadbiran kerajaan persekutuan, masih banyak aspek yang belum dipenuhi atau kemas misalnya ada berbagai agensi kerajaan khasnya di negeri pembangkang dilaksanakan.

Kesan positif adalah perhatian kepada nasib rakyat bawahan daripada berbilang kaum. Program menoktahkan kemiskinan sesuatu iltizam yang baik. Pembasmian rasuah juga sangat jelas dan nyata.

Kerajaan harus dengar pandangan akar umbi dan bukan setakat lancar polisi atau pelbagai rancangan dan idea di atas kertas, perlu bertindak cepat dan tidak mengambil masa panjang untuk dilaksanakan.

Altimet atau Syed Ahmad Syed Abdul Rahman Alhadad,
Ahli Dewan Negeri Lembah Jaya, penyanyi dan komposer

Saya rasa beliau sedang bekerja keras untuk menambah baik urus tadbir dan tatakelola di peringkat persekutuan. Tahun pertama dan permulaan yang bagus. Saya yakin, insya-Allah momentum ini akan berterusan.

Saya menyambut baik usaha-usaha seperti pengecualian cukai untuk sektor-sektor kreatif tempatan. Namun, saya ingin ingatkan kepada orang-orang kreatif, ini bukan satu pengecualian yang kekal. Kalau boleh pastikan simpanan daripada pengecualian ini dilaburkan balik ke sektor kreatif masing-masing.

Hisommudin Bakar,
pengarah eksekutif Ilham Centre

Keberadaan beliau di pentas dunia juga begitu menarik perhatian sehingga berjaya membina hubungan diplomatik antara negara luar iaitu dengan hubungi sendiri presiden Turkiye, Indonesia termasuk terlibat secara aktif dalam persidangan antarabangsa seperti Asean, Pertubuhan Kerjasama Islam (OIC) dan Kerjasama Ekonomi Asia Pasifik (Apec).

Malah, belanjawan 2024 diumumkan perdana menteri baru-baru ini juga antara yang terbaik, pakej ditawarkan begitu menarik perhatian umum dan bersifat prorakyat. Bagi saya belanjawan ini begitu berani dan pada masa sama tidak nampak elemen kritikan daripada blok pembangkang sekali gus membuktikan belanjawan ini mencakupi segenap aspek yang diperlukan dalam mendepani 2024 akan datang.

Dr Nazri Muslim,
timbalan dekan penyelidikan dan jaringan Pusat Pengajaran Citra Universiti Kebangsaan Malaysia

Rakyat sudah mula menerima dasar dan pentadbiran Perdana Menteri Datuk Seri Anwar Ibrahim. Cuma keadaan ekonomi yang kurang stabil dengan kenaikan kos sara hidup dan barang keperluan, boleh merencatkan

usaha yang diambil oleh perdana menteri. Perang psikologi untuk menjatuhkan kerajaan juga sudah mulai senyap sejak lebih setahun pentadbiran beliau. Justeru, perkara ini boleh membantu pemulihran keyakinan pelabur dan akan memacu kestabilan ekonomi negara.

Banyak perkara positif terutama bantuan kepada golongan B40, pesawah padi, penoreh getah, nelayan dan petani serta belia. Ini yang saya rasa sangat penting dan diberi keutamaan. Malah, pengurangan cabutan judi, menyemarakkan majlis ilmu juga dilihat semakin berkembang.

Noor Amin Ahmad,
pengerusi Institut Terjemahan Buku Malaysia dan bekas ahli parlimen Kangar

Perdana menteri begitu menonjol sekali dalam banyak perkara di dalam dan di luar negara. Namun, kesan akibat Covid-19 sedikit sebanyak memberi cabaran besar kepada ekonomi dunia dan dalam negara yang boleh dilihat melalui isu pembekalan dan harga sesetengah barang asasi. Bagaimanapun, kita boleh lihat beberapa petunjuk positif seperti angka rasmi daripada Jabatan Perangkaan Malaysia tentang menurunnya kadar pengangguran dan kadar inflasi serta kembalinya ramai pelabur luar.

Kata kunci yang penting masih perlu diusahakan oleh kerajaan ialah keseimbangan. Sebagaimana tema yang selalu diungkap oleh perdana menteri, memetik daripada Pak Natsir, "jangan kita membangun sambil meruntuh", mengurangkan kesenjangan ekonomi dengan memastikan setiap sektor berkembang, mampan dan mapan.

Zunar atau Zulkiflee Anwar Haque,
kartunis

Apabila ambil alih, Anwar hadapi masalah besar terutama dalam ekonomi. Kita lihat hutang negara ketika itu RM1.5 trilion.

Juga dalam segi politik, ia datang dalam keadaan terpaksa tubuh Kerajaan Perpaduan yang menyebabkan keadaan politik pada mulanya kurang stabil kerana pihak pembangkang sentiasa cuba menukar kerajaan. Jadi dia ada cabaran dalam segi ekonomi dan politik.

Bagaimanapun, dalam dua masalah ini, sebenarnya Anwar cukup bagus kerana dia sekurang-kurangnya dapat kurangkan masalah ekonomi dengan membawa pelabur masuk.

Apa yang positif pentadbiran ini, kita tahu di Malaysia sebelum ini tiada usaha untuk menangani rasuah. Punca kepada segala masalah di Malaysia ini adalah rasuah.

Ini sudah berlaku sekian lama dan tidak ada langkah diambil perdana menteri sebelum-sebelum ini untuk tangani isu rasuah secara serius.

Apa yang penting sekarang ini dunia media sosial. Saya rasa Kerajaan Perpaduan kena buat lebih untuk menangani isu di media sosial bukan sahaja hal negatif tetapi kerana saya rasa kadang-kadang orang tidak tahu kejayaan kerajaan, tidak sampai ke rakyat terutama pengguna media sosial.



TEKUN... Perdana Menteri Datuk Seri Anwar Ibrahim (tengah) mendengar penerangan mengenai Analitik Data Raya dan Pusat Teknologi Semikonduktor di Institut Sistem Mikroelektronik Malaysia (Mimos Berhad), Kuala Lumpur pada 21 November. Mimos Berhad agensi pelaksana program Identiti Digital Nasional dengan peruntukan awal RM80 juta. Foto Facebook Anwar Ibrahim

Jawatankuasa khas diakui Majlis Raja-Raja

Usaha perkukuh mahkamah syariah

SHAH ALAM - Satu jawatankuasa khas yang diperakui Majlis Raja-Raja ditubuh untuk mengangkat martabat mahkamah syariah, kata Perdana Menteri Datuk Seri Anwar Ibrahim.

Beliau menjelaskan jawatankuasa itu akan meneliti dan berbincang dengan mufti serta semua pihak berkaitan bagi mendapatkan pandangan bagi meningkatkan bidang kuasa Mahkamah Syariah.

Katanya, Majlis Raja-Raja juga memberi perkenan supaya jawatankuasa itu membuat kajian dalam meningkatkan kuasa mahkamah syariah terhadap umat Islam tetapi tidak menjasikan bukan Islam.

PM bangkit isu Gaza dalam Apec

SHAH ALAM - Perdana Menteri Datuk Seri Anwar Ibrahim membangkitkan isu pertumpahan darah rakyat Palestin dalam majlis dialog tidak rasmi Kerjasama Ekonomi Asia Pasifik (Apec).

Beliau merujuk serangan udara dan darat Israel yang tidak henti-henti di Semenanjung Gaza dalam program yang dihadiri Presiden Amerika Syarikat Joe Biden dan pemimpin ekonomi dunia.

"Apa yang berlaku di Gaza jelas merupakan pengabaian tanggungjawab moral yang membentarkan kemusuhan besar-besaran berlaku," katanya seperti

"Ada kaedah perlu dibincang kerana ada negeri agak keras, kurang setuju kalau kita langgar prinsip yang disebutkan.

"Namun, apa sahaja cadangan jawatankuasa ini, haruslah dimaklumkan kepada Majlis Raja-Raja," katanya ketika menjawab soalan Ahli Parlimen Gua Musang Mohd Azizi Abu Naim pada 21 November.

Mohd Azizi bertanya di Dewan Rakyat mengenai pendirian kerajaan terhadap notis petisyen yang difail dua wanita dan dilihat mencabar Enakmen Kanun Jenayah Syariah (I) Kelantan 2019.

Menurut perdana menteri, keputusan mahkamah persekutuan dalam

prosiding mencabar perlembagaan tidak menghalang usaha untuk terus memperkasa mahkamah syariah melalui jawatankuasa khas itu.

"Sebab itu, kita ada jawatankuasa khas ini untuk selaraskan pelaksanaan undang-undang. Bayangkan kalau negeri diberi ruang sewenang-wenangnya (gubal undang-undang), semua negeri buat dan atas itu juga nanti semua negeri ada percanggahan," kata beliau.

Anwar berkata sebarang cadangan pindaan dan penambahbaikan yang dikemukakan perlu mendapat perkenan Majlis Raja-Raja sebelum dibentang di Parlimen menerusi jawatankuasa khas itu.

dilapor Bernama pada 17 November.

Sejak kehadiran Anwar di San Francisco pada 15 November, beliau sentiasa membangkitkan isu kemanusiaan di Palestin yang mengakibatkan kematian sekitar 12,000 nyawa sejak 7 Oktober.

"Krisis kemanusiaan di Palestin memberi kesan bukan sahaja kepada rakyat Palestin atau rantaui Timur Tengah secara meluas tetapi juga kepada hubungan global untuk tempoh panjang.

"Ia adalah pelanggaran undang-undang antarabangsa secara terang-terangan," katanya dalam sya-

rahan khas di University of California pada 15 November.

Beliau juga menegaskan Malaysia mengutuk sekeras-kerasnya pengeboman orang awam, rumah dan hospital, di samping kekejaman terhadap wanita dan kanak-kanak yang tidak bersalah di Gaza.

"Setiap saat amat penting dan setiap detik apabila suara pemimpin dunia untuk menghentikan pengeboman berterusan begitu lewat, ia bermakna lebih ramai bayi menjadi mangsa," katanya.

Kenal pasti 5,648 lokasi berisiko banjir

SHAH ALAM - Sebanyak 5,648 kawasan berisiko banjir dikenal pasti di seluruh negara pada musim tengkujuh pada tahun ini, kata ketua pesuruhjaya Angkatan Pertahanan Awam (APM).

Datuk Aminurrahim Mohamed menjelaskan sebanyak 1,066 lokasi di Sarawak, Sabah (798), Pahang (750), Johor (745), Kelantan (617), Perak (286) dan Selangor (271), lapor Bernama.

Katanya, turut disenarai berisiko adalah Kedah (260), Terengganu (258), Pulau Pinang (241), Melaka (124), Negeri Sembilan (120), Kuala Lumpur (73), Perlis (22) dan Labuan (17).

Beliau menambah APM mengadakan 6,266 siri latihan kecemasan dan persediaan banjir kepada 350,474 individu termasuk pemimpin masyarakat, mahasiswa dan pelajar secara berperingkat.

Pangkalan data salur bantuan

SHAH ALAM - Pangkalan data raya yang merekod dan mendaftar petani akan dibina bagi memudahkan penyaluran bantuan kepada mereka, kata Kementerian Pertanian dan Keterjaminan Makanan.

Enakmen Pendaftaran Petani akan digubal bagi menyediakan pangkalan data yang bertujuan mengenal pasti bilangan sebenar petani yang terlibat dalam sektor tersebut, lapor Bernama.

"Ia dapat dijadikan rujukan semua pihak khususnya dalam merancang pembangunan sektor agromakanan serta mengelak ketirisan dalam pemberian bantuan kepada petani," kata kenyataan.

Menurut kementerian tersebut, pengukuhan data sektor pertanian dan agromakanan memerlukan sokongan kerajaan negeri demi memastikan sumber maklumatnya terkini dan merentas masa.

Lagi projek rumah terbengkalai siap

SHAH ALAM - Sebanyak 20 projek perumahan terbengkalai bakal diatasi pada tahun depan, kata Timbalan Menteri Pembangunan Kerajaan Tempatan Akmal Nasrullah Mohd Nasir.

Beliau menjelaskan sebanyak 16 projek terbengkalai dikenal pasti di Terengganu, Kelantan, Selangor, Perak dan Negeri Sembilan yang melibatkan 2,047 pembeli terjejas, lapor Bernama.

"Kalau tahun ini lapan projek terbengkalai (siap), sasaran tahun depan adalah 20," katanya selepas merasmikan Seminar Pemuliharaan Projek Perumahan Swasta Terbengkalai pada 16 November.

Akmal Nasrullah juga menambah sebanyak 68 projek lewat, 476 projek sakit serta 111 projek disahkan terbengkalai dalam masa sembilan bulan pertama tahun ini.

Akaun ketiga KWSP untuk kecemasan

SHAH ALAM - Akaun ketiga ataupun akaun fleksibel Kumpulan Wang Simpanan Pekerja (KWSP) akan mula dilaksanakan mulai April 2024, kata Timbalan Menteri Kewangan I Datuk Seri Ahmad Maslan.

Beliau menjelaskan Kementerian Kewangan akan mengumumkan kaedah lebih terperinci mengenai akaun itu selepas pengumuman dividen KWSP pada Februari tahun depan, lapor Bernama.

"Organisasi berkaitan boleh memberi pandangan mengenai akaun fleksibel ini dan mereka boleh menulis kepada Kementerian Kewangan dan KWSP," katanya pada 20 November.

Ahmad yang merasmikan Mesyuarat Lembaga Pengarah dan Seminar Persatuan Keselamatan Sosial Asean ke-40 berkata pihaknya giat meneliti perkara itu susulan pembentangan Belanjawan 2024.

"Perlu ada kaedah tertentu yang tidak terlalu menjasakan pendapatan rakyat dan ia hanya boleh dikeluarkan waktu kecemasan. Apakah maksud kecemasan itu akan diperinci," katanya.

Beliau juga menegaskan tiada lagi pengeluaran lagi dibenarkan berikutnya sebanyak RM145 bilion telah dikeluarkan melalui empat kali proses sepanjang pandemik Covid-19 meski ada desakan.

"Maka kami akan membuat formula baru iaitu akaun ketiga. Jadi perincianya kemudianlah. Cadangannya bermula bulan April tahun depan," katanya.

Musim tengkujuh kes denggi naik

SHAH ALAM - Orang ramai khususnya yang tinggal di kawasan berisiko banjir dinasihati supaya berwaspada dan menjaga kebersihan persekitaran bagi mengelakkan penularan kes demam denggi.

Menteri Kesihatan Dr Zaliha Mustafa menjelaskan langkah itu perlu berikutnya Kementerian Kesihatan menggesa peningkatan kes jangkitan penyakit itu

di enam negeri setakat ini.

Beliau menambah trend demam denggi di kesan meningkat di Selangor, Pulau Pinang, Perak, Pahang, Sabah dan Sarawak sejak musim tengkujuh melanda negara, lapor Bernama.

Kumulatif kes itu setakat Minggu Epidemiologi ke-44 bagi tempoh 29 Oktober hingga 4 November meningkat 96.9 peratus kepada



Tarik minat Google, Microsoft, Boeing

RM63 billion potensi pelaburan di AS

SHAH ALAM - Potensi pelaburan bernilai RM63.02 bilion termasuk syarikat gergasi teknologi terkemuka diraih di Amerika Syarikat, kata Perdana Menteri Datuk Seri Anwar Ibrahim.

Pelaburan RM8.33 bilion hasil misi perdagangan ke negara itu sebelum mesyuarat Kerjasama Ekonomi Asia Pasifik (Apec) bermula, selebihnya menerusi mesyuarat berasingan dengan Anwar.

Ia hasil komitmen Abbott Laboratories, Mondelez International, Amsted Rail, Hematogenix, PerkinElmer, Ford Motor Company, Boeing, Amazon Web Services, Enovix dan Lam Research, lapor Bernama.

"Selebihnya diraih dalam pertemuan berasingan dengan gergasi teknologi seperti Google, Enovix Cooperation, Microsoft, TikTok dan TPG," katanya di San Francisco pada 17 November.

Dua hari sebelumnya, beliau yang juga menteri kewangan mengadakan pertemuan dengan beberapa syarikat gergasi teknologi antaranya Google, Enovix Cooperation, Micro-

soft dan TikTok.

"Saya telah mengadakan pertemuan dengan syarikat-syarikat besar yang telah memberi pengakuan akan melanjutkan pelaburan mereka di Malaysia secara besar-besaran," katanya.

Anwar yang tiba di San Francisco pada 13 November berkata faktor politik yang stabil dan dasar yang jelas antara faktor yang menarik minat syarikat tersebut untuk melabur di Malaysia.

"Proses kelulusan juga akan memberi keyakinan kepada mereka. Kepantasan kehadiran pelabur baharu akan memberikan satu rekod baharu kepada Malaysia," kata beliau.

Tren ECRL mulai 2027

SHAH ALAM - Tren penumpang Laluan Rel Pantai Timur (ECRL) memulakan operasi komersial mulai Januari 2027 dari Kota Bharu, Kelantan ke Terminal Pengangkutan Bersepadu Gombak, Selangor.

Menurut Malaysia Rail Link Sdn Bhd (MRL) selaku pemaju projek, tren itu menghubungkan Kota Bharu dan Gombak dalam masa empat jam berbanding tujuh menggunakan jalan raya, lapor Bernama.

Dalam kenyataannya, MRL memberitahu infrastruktur rel termasuk kerja asas, landasan, sistem isyarat dan rolling stock dibangunkan berdasarkan reka bentuk kurang daripada 200km/j.

Katanya, projek yang dimulakan pada Ogos 2017 berdasarkan kereta api laju untuk penumpang, bukan kereta api berkelajuan tinggi yang kelajuaninya ditetapkan sekurang-kurangnya 250km/j.

Kelajuan maksimum adalah 160 kilometer per jam berikutnya rel direka

bentuk dengan lengkung horizontal dan sendeng (superelevation) serta kecerunan tidak setara rel berkelajuan tinggi.

Reka bentuk itu dibangunkan sedemikian berikutan sebahagian besar jajaran di negeri-negeri Pantai Timur yang tanahnya lemah, memotong kawasan berbukit dan merentasi sungai lebar.

MRL turut menekankan ECRL direka bentuk untuk pengangkutan kargo, dengan 70 peratus nisbah pulangan semasa operasinya daripada kargo dan 30 peratus penumpang.

Menurut kenyataan sama, pertambahan bagi perkhidmatan penumpang ECRL sebahagian besarnya dikekang oleh keperluan reka bentuk untuk kerea api barang.

Kenyataan MRL itu bagi menjelaskan laporan berita memetik pakar China bahawa ECRL boleh meningkatkan keleluannya kepada 351km/j yang disifatkan tidak tepat dan mengelirukan.

KENYATAAN TENDER						
Tender adalah dipelawa kepada kontraktor yang berdaftar dengan Lembaga Pembangunan Industri Pembinaan dan Pusat Khidmat Kontraktor/Kementerian Kewangan dalam kelas dan jenis pendaftaran yang berkaitan serta masih dibenarkan membuat tawaran buat masa ini bagi kerja/perkhidmatan berikut:						
PEJABAT YANG MEMANGGIL TAWARAN	NOMBOR TENDER TAJUK PROJEK	TARAF	SYARAT PENDAFTARAN	TEMPAT & TARikh DOKUMEN MULAI DUAJAL	HARGA DOKUMEN & BAYARAN ATAS NAMA	
Bhg. Pengurusan Banjir, JPS Negeri Selangor	JPS/N/SEL/B-PB06/2023(P)	Terbuka	Syarat Mandatori:- 1. Firma berdaftar dengan Kementerian Kewangan dalam bidang 330101 (Kej. Awam) dan tempoh pendaftaran dengan Kementerian Kewangan masih sah; 2. Firma berdaftar dengan Suruhanjaya Syarikat Malaysia (SSM) (Firma terlebih dahulu dikehendaki mendafat secara Online di web https://tender.selangor.my/ dan Unit Perancang Ekonomi Negeri Selangor (UPENS) sebelum membeli dokumen tender); 3. Cadangan Teknikal dan Cadangan Kos hendaklah dimasukkan ke dalam sampul surat berasingan yang berlakar dan ditandakan "Cadangan Teknikal" dan "Cadangan Kos" di sebelah kiri setiap sampul surat berkenaan dan dialamatkan kepada: Peti Tender, JPS Selangor, Tingkat 5, Blok Podium Selatan, Bangunan Sultan Salahuddin Abdul Aziz Shah, 40626 Shah Alam, Selangor; 4. Tiada sesi taklimat dan lawatan tapak akan dilaksanakan. Firma digalakkan membuat lawatan tapak sendiri dengan berpanduan koordinat yang diberikan 5. Pembelian dokumen tawaran secara Online di laman web https://tender.selangor.my/ . Firma dikehendaki melampirkan salinan resit asal bayaran. Resit tersebut hendaklah dilampirkan di mukasurat hadapan dokumen.	Pembelian dokumen tawaran secara Online di laman web https://tender.selangor.my/ . Syarat dikehendaki melampirkan salinan resit asal bayaran. Resit tersebut hendaklah dilampirkan di mukasurat hadapan dokumen.	RM 100.00 30 TH NOVEMBER 2023 hingga 27 TH DISEMBER 2023	Peti Tender JPS Selangor, Tingkat 5, Blok Podium Selatan, Bangunan Sultan Salahuddin Abdul Aziz Shah, 40626 Shah Alam, Selangor 27 TH DISEMBER 2023 (RABU) Jam 12.00 tengahari

Cadangan Teknikal hendaklah dihantar dalam sampul surat berlakar dan ditandakan "Cadangan Teknikal" dan "Cadangan Kos" di sebelah kiri sampul surat berkenaan dan dialamatkan seperti di atas tidak lewat daripada jam 12.00 tengah hari pada tarikh tutup tender (27 Disember 2023).

Dokumen Cadangan Teknikal yang lewat diterima tidak akan dipertimbangkan.



PROMOSI... Duta Rakan Digital Selangor (kanan) membantu pengunjung menebus baucar RM5 ketika kempen PLATS Masuk Pasar di Jeram, Kuala Selangor pada 19 November. Foto NUR ADIBAH AHMAD IZAM ▶ BERITA MUKA 20

Iktiraf mutu perkhidmatan

MBPJ dinobat PBT cemerlang

Oleh AFIX REDZUAN

SHAH ALAM - Majlis Bandaraya Petaling Jaya (MBPJ) dinobat sebagai pihak berkuasa tempatan (PBT) Cemerlang (Bandaraya) sempena Majlis Anugerah Kecemerlangan Menteri (AKM) Pembangunan Kerajaan Tempatan (KPKT) 2023.

Sekretariat Media Unit Komunikasi Korporatnya memaklumkan anugerah berkenaan disampaikan Timbalan Perdana Menteri II Datuk Seri Fadillah Yusof kepada Timbalan Datuk Bandar Aznan Hassan di Hotel The St Regis, Kuala Lumpur pada 12 November.

Bertema "Kemuncak Kecemerlangan",

AKM 2023 hasil cetusan idea Menteri KPKT Nga Kor Ming bertujuan memantapkan tahap motivasi seluruh pasukan KPKT agar lebih cemerlang dalam aspek pelaksanaan tugas, kepimpinan, inovasi dan sosial.

"Anugerah ini juga merupakan inisiatif KPKT bagi menghargai sumbangan, kecermerlangan dan kejayaan warga kerja dan PBT dalam mengharumkan nama KPKT.

"Ia juga pengiktirafan atas sumbangan PBT yang komited dalam meningkatkan kualiti perkhidmatan khususnya dalam masyarakat setempat serta menunjukkan prestasi dan daya kerja cemerlang, progresif, berdaya maju dan dinamik dalam melonjakkan keberkesanan sistem pe-

nyampaian perkhidmatan yang membangunkan lokaliti masing-masing," katanya dalam kenyataan pada 16 November.

Dalam kategori berkenaan, MBPJ dicabar Majlis Bandaraya Ipoh, Majlis Bandaraya Iskandar Puteri, Majlis Bandaraya Johor Bahru dan Majlis Bandaraya Subang Jaya.

Sebelum ini, MBPJ merangkul dua anugerah utama di Malaysia Urban Planning Awards (MUPA) sempena sambutan Hari Perancangan Bandar Sedunia (HPBS) 2023 peringkat kebangsaan bagi kategori Anugerah Penghargaan Bandar Mampan dan Anugerah Penarafan Bandar Pintar yang disampaikan Ketua Setiausaha KPKT Datuk Wira M Noor Azman Taib.

Lantik pimpinan PeBS tahun depan

SHAH ALAM - Pelantikan pimpinan Penggerak Belia Selangor (PeBS) yang dijenamakan semula daripada Penggerak Belia Tempatan (PeBT) pada 2021 dibuat pada tahun depan, kata EXCO belia.

Menjelaskan lantikan sebelum ini berakhir apabila Dewan Negeri Selangor (DNS) dibubar, Najwan Halimi berkata tatacara kewangan juga akan diselaras bagi memudahkan pelaksanaan program.

Beliau yang menjawab soalan wakil

rakyat Sijangkang Dato' Dr Ahmad Yunus Hairi menambah peruntukan untuk PeBS sebelum ini yang dibuat menerusi pihak berkuasa tempatan akan diubah.

"Untuk lantikan PeBS baharu, kita akan buat tahun hadapan bersekali dengan pelantikan ahli majlis kerajaan tempatan, ketua kampung dan lantikan lain," katanya pada 17 November.

Najwan menjelaskan lebih banyak kursus kepemimpinan dan literasi politik bakal dijalankan PeBS selaras perubahan

dasar yang membenarkan individu berusia 18 tahun ke atas mengundi.

Selain itu, sebanyak 153 program pemerkasaan belia dalam Dasar Belia Selangor 2020 dilaksanakan di Selangor mengikut 10 teras termasuk kebudayaan, kreativiti dan sukan.

Ia turut melibatkan program keusahawanan dan ekonomi digital, pekerjaan dan pembangunan kemahiran, pendidikan, media digital dan sosial serta keimbangan alam sekitar.

Tingkat kemahiran kendali bot, alatan

GOMBAK - Simulasi Latihan Pengendalian Bot dan Keyakinan Dalam Air peringkat negeri diyakini berupaya membantu meningkatkan lagi tahap kemahiran menyelamat mangsa banjir.

Timbalan pengarah Jabatan Korporat dan Pengurusan Strategik Majlis Bandaraya Subang Jaya (MBSJ) berkata program di Empangan Batu, Sungai Tua di sini menjadi medan peserta pelbagai agensi berkongsi ilmu.

Azfarizal Abdul Rashid juga menjelaskan program berkenaan merupakan siri latihan kedua pada bulan ini kerana MBSJ telah mengadakan latihan sendiri awal November.

Katanya, MBSJ bersiap siaga untuk menghadapi sebarang kemungkinan lanjutan banjir pada Disember 2021 dengan menaik taraf saliran dan kelengkapan pembersihan meliputi 25 kawasan berisiko.

Laksana parkir dua jam 1 Januari

SHAH ALAM - Majlis Perbandaran Kuala Langat (MPKL) menguatkusakan penggunaan petak letak kereta dua jam di dua lokasi bawah pentadbirannya mulai 1 Januari tahun depan.

Pihak berkuasa tempatan itu memaklumkan pelaksanaan di hadapan Maybank Jalan Sultan Abdul Samad dan Jalan Cemerlang 2 bagi mengatasi masalah parkir dan kesesakan di kawasan tersebut.

"Had masa letak kereta dua jam sahaja dan kadar bayaran adalah 50 sen bagi 30 minit," menurut kenyataan pada 14 November.

Pihak berkuasa tempatan yang melaksana zon parkir dua jam antaranya Majlis Bandaraya Shah Alam, Majlis Bandaraya Subang Jaya, Majlis Bandaraya Petaling Jaya dan Majlis Perbandaran Kajang.

Sistem bayaran digital 1 Disember

SHAH ALAM - Majlis Perbandaran Hulu Selangor (MPHS) melaksana sistem bayaran tempat letak kereta pintar melalui aplikasi Smart Selangor Parking (SSP) dan Flexi Parking.

MPHS menerusi Facebook memaklumkan sistem baharu itu dibuat berperingkat iaitu fasa 1 membabitkan kawasan Bukit Beruntung dan Bukit Sentosa mulai 1 Disember ini.

Manakala fasa 2 berkuat kuasa pada 1 Januari 2024 membabitkan kawasan Batang Kali dan Kuala Kubu Bharu.

Caj parkir bermula jam 8 pagi hingga 6 petang (Isnin hingga Jumaat) ialah RM0.50 sen setiap sejam dan RM50 untuk bayaran sebulan. Manakala Sabtu, Ahad dan hari kelepasan am adalah percuma.

Tidak halang baca doa qunut nazilah

SHAH ALAM - Jabatan Agama Islam Selangor (Jais) tidak pernah mengeluarkan arahan menghalang pelajar sekolah membaca qunut nazilah bagi mendoakan keselamatan rakyat Palestin.

EXCO Hal Ehwal Agama Islam Dr Mohamad Fahmi Ngah menegaskan Jais tidak menerima apa-apa bentuk arahan daripada Kementerian Pendidikan berkenaan larangan membaca qunut nazilah.

Sebaliknya, beliau berkata pekeliling menyeru masjid dan surau mengerjakan solat hajat dan membaca qunut nazilah pada rakaat akhir solat maghrib dan isyak dikeluarkan sejak 26 Oktober.

Justeru, beliau menyeru seluruh umat Islam supaya mengelak daripada menimbulkan sebarang prasangka dan cubaan untuk memecah belah keharmonian masyarakat di negeri ini

"Sebaliknya umat Islam dan bukan Islam perlu disatukan atas nama kemanusiaan bagi membantu rakyat Palestin melawan Zionis," katanya di Dewan Negeri Selangor pada 17 November.

Di samping itu, Kerajaan Negeri menerusi Jais turut mewujudkan Tabung Kemanusiaan Palestin di bawah Infak Jariah Umat Islam Selangor pada bulan lalu.

Perluas pusat sehenti masyarakat

KUALA LANGAT - Pusat Smart Desa yang dibangunkan di Sabak Bernam dan Kuala Langat akan diperluas ke tujuh daerah secara berperingkat, kata Dato' Menteri Besar Dato'Seri Amirudin Shari.

Beliau berkata pusat sehenti untuk orang ramai menggunakan perkhidmatan internet percuma dan menjalankan pelbagai kegiatan antara usaha memperkasa mutu kehidupan penduduk luar bandar.

"Sudah pasti pusat ini akan diperluas, cuma kita akan tengok semula kosnya

antara RM200,000 hingga RM250,000 (setiap pusat). Kita cari sebanyak mungkin kampung.

"Tetapi tidak boleh janji setiap kampung ada, mungkin tubuhkan tiga atau empat (sahaja)," katanya selepas merasmikan sambutan Hari Perancangan Bandar Sedunia peringkat negeri di Kampung Endah di sini pada 18 November.

Amirudin juga memuji kaedah dalam projek rintis Pusat Smart Desa di Kampung Endah kerana menggunakan tenaga so-

lar sekali gus tidak membebankan Majlis Pembangunan Komuniti Kampung.

"Kalau guna elektrik biasa mungkin terpaksa bayar kos tinggi," terang beliau lagi.

Pusat Smart Desa berperanan sebagai pusat sehenti untuk kegunaan warga desa menggunakan perkhidmatan jalur lebar percuma, pusat internet, kelas tambahan dan pusat komuniti.

Setakat ini, ada dua Pusat Smart Desa iaitu di Sungai Air Tawar, Sabak Bernam dan Kampung Endah, Kuala Langat.

Daftar 225 sekolah agama persendirian

Tambah baik garis panduan operasi

Oleh ZAREEF MUZAMMIL

SHAH ALAM - Sebanyak 225 daripada 497 sekolah agama persendirian di Selangor melalui proses pemutihan sejak

2020 hingga September lalu.

Menurut EXCO Hal Ehwal Agama Islam Dr Mohamad Fahmi Ngah, usaha pemutihan membabitkan 106 maahad tahfiz, sekolah rendah Islam integrasi (98) dan sekolah menengah Islam (21).

Beliau mengakui halangan untuk melaksanakan tindakan itu seperti kos lantikan konsultan sebagai syarat mendapat kebenaran merancang (KM) daripada pihak berkuasa tempatan (PBT).

"(Ia termasuk) pelanggaran keperluan peraturan PBT dengan sekolah yang beroperasi tidak berupaya mendapat ulasan kebenaran PBT.

"Ada sedikit perubahan perlu dibuat pada garis panduan pemutihan 1.0 bagi memudahkan pelaksanaannya kerana (panduan) yang ada tidak melihat menyeluruh kemampuan sekolah

persendirian untuk melaksanakannya," katanya.

Beliau menjawab pertanyaan wakil rakyat Sementa Noor Najhan Mohammad Salleh berhubung status sekolah agama persendirian yang berjaya diputihkan di Dewan Negeri Selangor pada 15 November.

Dr Mohammad Fahmi mencadangkan semakan segera garis panduan pemutihan sekolah agama persendirian negeri sedia ada untuk penambahan bagi memudahkan sekolah menepati syarat PBT.

Katanya, pendaftar sekolah Islam bersetuju memberi lanjutan pendaftaran sehingga Disember tahun depan bagi memberi peluang sekolah terbabit mendapat ulasan PBT termasuk melaporkan kemajuan terkini daripada konsultan yang dilantik.

Perkenal kupon digital

KUALA SELANGOR - Kupon Digital Rahmah bernilai RM5 yang diedar sempena Kempen Platform Selangor (PLATS) membantu meningkat jualan peniaga pasar pagi Sungai Buloh, Jeram di sini.

Peniaga takoyaki Jannah Ariffin, 56, berkata beliau mendaftar perniagaan yang dijalankannya secara sambilan sejak 10 tahun lalu bawah PLATS baru-baru ini.

"Apabila berdaftar bawah PLATS dan terlibat dalam kempen ini, jualan menunjukkan peningkatan. Sebelum ini ramai beli, tetapi apabila berdaftar dengan PLATS lagi ramai beli," katanya.

Beliau ditemui ketika agihan kupon itu sempena Kempen PLATS Masuk

Pasar yang disempurnakan Ketua Pegawai Operasi Menteri Besar Selangor (Pemerbadanan) Saipolyazan M Yusop.

Penjual makanan bergoreng, Sariada Hamdan, 39, pula memberitahu ramai pengunjung pasar yang membeli menggunakan kupon selain bertanya kaedah penggunaannya.



Sebanyak 20,000 kupon Digital Rahmah bernilai RM5 akan diedar kepada pengunjung sempena PMP bermula 19 November.

Kempen selama dua bulan itu berlangsung di 12 lokasi terpilih seluruh negeri bagi menggalak peniaga berdaftar di PLATS selain meningkatkan promosi platform maya itu kepada orang ramai.

MAJLIS PERBANDARAN SEPANG
Persiaran Semarak Api, Cyber 1, 63200 CYBERJAYA, Selangor Darul Ehsan

KENYATAAN TENDER

1. Tender adalah dipelawa kepada **kontraktor-kontraktor** yang berdaftar dengan **CIDB, SPKK dan Unit Perancang Ekonomi Negeri (UPEN)** bagi kerja-kerja berikut :

BIL.	NO. TENDER	TAJUK KERJA	BIDANG, SUB BIDANG & PECAHAN BIDANG	HARGA DOKUMEN
1.	T/MPSepang/KEJ/83/2023	CADANGAN KERJA-KERJA PENYEDIAAN ASAS LALUAN KELUAR MASUK SERTA KERJA PENGGERINGAN TASIK BAGI PENYEDIAAN INFRASTRUKTUR SEKITAR KAPAL KOREK SRI BANTING SECARA REKA DAN BINA UNTUK MAJLIS PERBANDARAN SEPANG	CIDB, SPKK DAN G5 DAN Kategori CE (CE21 – KERJA-KERJA AM KEJURUTERAAN AWAM) DAN Kategori CE (CE03 – STRUKTUR MERIN @ CE04 – EMPANGAN @ CE12 – KERJA PENYIASATAN DAN PENSTABILAN TANAH) DAN UPEN	RM 500.00

2. Dokumen tender boleh dibeli secara atas talian melalui laman web <http://tender.selangor.gov.my> dan dokumen tender boleh dibeli di kaunter pada waktu pejabat di Tingkat 3, Unit Tender Dan Kontrak. Dokumen tender akan dikeluarkan mulai dari tarikh **30 November 2023** hingga **21 Disember 2023** dengan harga yang ditetapkan bagi senaskah (tidak dikembalikan). Dokumen Tender hanya dijual kepada kontraktor-kontraktor yang membawa sijil asal dan surat wakil (sekiranya bukan penama di dalam lesen) semasa pembelian dokumen tender. Dokumen yang perlu di bawa adalah Surat Lantikan Wakil, Lembaga Pembangunan Industri Pembinaan Malaysia (CIDB) dan Sijil Unit Perancang Ekonomi Negeri Selangor (UPEN). Bayaran dibuat secara atas talian melalui FPX, Kredit Kad dan Debit Kad atau secara Tunai, Wang Pos atau Bank Draft yang berpalang atas nama ***Yang Dipertua Majlis Perbandaran Sepang***.

3. Kontraktor-kontraktor (**HANYA PENAMA DI DALAM LESEN DENGAN MEMBAWA SIJIL ASAL**) adalah **dijawabkan** untuk membuat lawatan tapak bersama Pengawal Penguasa atau wakilnya. Hanya petender yang hadir pada lawatan tapak tersebut sahaja yang layak untuk memasuki tawaran ini. Petender dikehendaki melaporkan diri di tempat, tarikh dan masa seperti berikut:

Tarikh	: 30 November 2023
Masa Pendaftaran	: 10.00 – 10.30 Pagi
Masa Taklimat	: 10.30 Pagi
Tempat berkumpul	: Bilik Melati, Aras 1, Majlis Perbandaran Sepang, Cyberjaya, Selangor
Nota	: Kegagalan kontraktor hadir pada waktu pendaftaran yang ditetapkan boleh menyebabkan kontraktor tidak boleh hadir taklimat, seterusnya tidak boleh membeli dokumen tender ini

4. Dokumen tender yang telah lengkap diisi hendaklah dihantar dalam sampul surat bermeteri dengan menulis **No. Tender** di sebelah sudut kiri sampul dan dimasukkan ke dalam peti tender di **Ruang Lobi Utama, Aras 2, Majlis Perbandaran Sepang, Cyberjaya, Selangor Darul Ehsan** sebelum atau pada jam **12.00 Tengahari** pada **21 Disember 2023**.

5. Kontraktor-kontraktor yang **tidak menerima sebarang jawapan selepas empat (4 bulan)** dari tarikh tutup iklan hendaklah menganggap tawaran **tidak berjaya**. Majlis Perbandaran Sepang tidak terikat untuk menerima tender yang terendah atau sebarang tender atau memberi apa-apa sebab tender itu ditolak dan juga tidak bertanggungjawab ke atas sebarang kos perbelanjaan berhubung dengan tender ini dan sebarang keputusan adalah muktamad.



Darren (tengah) meraikan jaringan tunggal Harimau Malaya ketika menewaskan Taiwan 1-0 di Stadium Perbandaran Taiwan pada 21 November. Foto Facebook Persatuan Bolasepak Malaysia

Kutip 33 pingat emas

Petaling kekal juara Sukan Selangor

Oleh NORRASYIDAH ARSHAD

KAJANG - Daerah Petaling kekal sebagai juara bertahan Kejohanan Sukan Selangor (SUKSES) ke-14 dengan mengutip 76 pingat termasuk 33 emas.

Kejohanan dari 7 hingga 19 November itu turut memilih atlet berbasikal daerah berkenaan, Khow Yong Keat serta Yong Ann Yi sebagai olahragawan dan olahragawati kejohanan.

Yong Keat dan Ann Yi, masing-masing mengutip empat dan tiga pingat emas menerima wang tunai RM1,000 setiap seorang sebagai penghargaan.

Gombak, Sijangkang kekal teratas

SHAH ALAM - Gombak FA dan Sijangkang City FC mengekalkan kedudukan selaku pendahulu kumpulan selepas menang mudah dalam perlawanan ketujuh Liga Juara Selangor (SCL 2023) di Arena MBSJ Subang Jaya pada 18 dan 19 November.

Dalam aksi kumpulan A, Gombak FA bangkit di babak kedua untuk menewaskan Ampang Uky Positive FC 2-0, hasil jaringan Faez Hafize pada minit ke-54 diikuti jaringan Ammar Shafiq selang sembilan minit kemudian.

Pasukan kedua, Kampong Bharu

Piala kemenangan disampaikan EXCO Sukan Najwan Halimi dalam majlis penutup SUKSES di Hotel Bangi Resort, di sini pada 19 November.

Bagi acara keseluruhan, Sepang berada di tempat kedua manakala tuan rumah Hulu Langat meraih tempat ketiga.

Sementara itu, pengarah eksekutif Majlis Sukan Negeri berkata beberapa atlet akan dirombak mengikut kemahiran bagi melahirkan pasukan yang mantap pada kejohanan Sukan Malaysia tahun depan.

"Ini antara strategi namun kena berdasarkan keperluan seperti kemahiran, saiz, ketinggian. Langkah ini

dibuat berikutan penetapan kuota pemain. Kita tak boleh bawa ramai.

"Contohnya atlet olahragawan. Mereka memiliki kebolehan berlari laju jadi mungkin kita nilai mereka untuk dimasukkan dalam sukan ragbi atau sukan yang memerlukan kemahiran berlari," kata Mohamad Nizam Marjugi.

SUKSES yang menawarkan 377 pingat merupakan kejohanan dwitahunan melibatkan 1,178 atlet dengan 109 acara meliputi sukan olahraga, pencak silat, boling padang, ping-pong, petanque, sepak takraw dan basikal.

pada minit ke-41 membantu Sijangkang City FC menewaskan AAK Puncak Alam sekali gus mengekalkan jurang tiga mata di puncak kumpulan B.

Pasukan kedua NPNG Damansara Perdana turut meraih mata penuh selepas menewaskan MBSA FC 1-0 hasil jaringan Farhan Ab Hamid seawal minit pertama permainan.

PJ Kelana United pada kedudukan ketiga berjaya membela Kajang Northern Merbau 4-1 manakala Najmi SFFC Kota Damansara menang tipis 2-1 ke atas SFC Youth.

Darren Lok wira Harimau Malaya

SHAH ALAM - Jaringan tunggal Darren Lok membantu Harimau Malaya menewaskan Taiwan 1-0 dalam perlawanan kedua kumpulan D kelayakan Piala Dunia 2026/Piala Asia 2027 di Stadium Perbandaran Taiwan pada 21 November.

Beliau yang masuk pada minit ke-62 berjaya merobek gawang tuan rumah 10 minit kemudian selepas mudah melakukan tindakan susulan apabila rembatan Endrick Dos Santos gagal ditampar ke mas penjaga gol Pan Wen Chieh.

Kemenangan kedua berturut-turut itu membolehkan skuad kendalian Kim Pang Gon berada di kedudukan teratas dengan enam mata selepas menang 4-3 ke atas Kyrgyzstan dalam aksi pembukaan pada 16 November.

Saingan terdekat Oman tewas mengejut 0-1 kepada Kyrgyzstan. Perlawanan ketiga antara Malaysia dan Oman akan berlangsung Mac tahun depan.

32 bot serta lumba kapal layar

KLANG - Sebanyak 32 kapal layar membabitkan 320 anak kapal dari dalam dan luar negara menyertai Kejohanan Regatta Antarabangsa Raja Muda Selangor (RMSIR) edisi ke-33.

EXCO Pelancongan Ng Suee Lim berkata perlumbaan antara 18 hingga 26 November bermula dari Pelabuhan Klang dan berakhir di Pulau Langkawi, Kedah.

"Semua peserta akan berlayar melalui kawasan luar pesisir di tiga negeri iaitu Perak (Pulau Pangkor), Pulau Pinang, Kedah (Langkawi) dan di pantai Selangor sepanjang 260 batu selama tiga hari.

"Acara tahun ini akan dimeriahkan lagi dengan program FAM Trip iaitu para peserta jalani aktiviti membersih sungai sekitar kawasan Klang bersama anak-anak istimewa," katanya pada 17 November.

Cungkil bakat peringkat daerah

KAJANG - Kejohanan Sukan Selangor (SUKSES) yang diadakan secara dwitahunan menjadi penggerak utama kepada proses pembangunan sukan negeri.

EXCO Sukan Najwan Halimi berkata temasya sukan melibatkan semua daerah itu membantu perkembangan atlet muda untuk ketauhap lebih tinggi selain mencungkil bakat di kawasan luar bandar.

"SUKSES medan terbaik untuk atlet muda menguji keupayaan mereka. Bakat ini seharusnya dibimbing, diasah dan dididik dengan segala kepakaran demi meraih kecemerlangan yang membanggakan."

"Antara atlet negara yang lahir bermula sukan ini ialah Farah Ann (Abdul Hadi), yang merupakan ratu gimnas serta atlet boling, Natasha Roslan," katanya pada 19 November.



NG SZE HAN
Kintrara

bersama penduduk dan bomba ketika taklimat kebakaran di Taman Amansari, Petaling Jaya



NAJWAN HALIMI
Kota Anggerik

berjumpa mangsa banjir di Kampung Bukit Lanchong, Subang Jaya



DATUK RIZAM ISMAIL
Sungai Air Tawar

meraikan masyarakat India sempena Deepavali di kawasan DUN beliau



MARIAM ABDUL RASHID
Meru

menghadiri rumah terbuka komuniti India di DUN beliau



MUHAMMAD IZUAN KASIM
Kota Damansara

beramah mesra dengan penduduk di Dewan Bunga Matahari, Petaling Jaya



LEONG TUCK CHEE
Pandamaran

merasmikan pertandingan ping pong di kawasan DUN beliau



ABBAS AZMI
Seri Serdang

bertemu wakil Air Selangor mengenai senggara paip di DUN beliau



ONG CHUN WEI
Balakong

meninjau pembersihan parit di Jalan Balakong Jaya 2, Subang Jaya

Perkenal khidmat van-panggilan

SHAH ALAM - Dewan Undangan Negeri (DUN) Taman Templer bakal menggunakan perkhidmatan van-panggilan bagi memudahkan pergerakan penduduk di lokasi jauh daripada capaian pengangkutan awam.

Wakil rakyatnya Anfaal Saari menjelaskan perkhidmatan menggunakan aplikasi Kumpool Ride itu dijangka memudahkan orang ramai dalam merancang perjalanan.

"Buat masa ini, ada bas pengantara tetapi tidak lalui semua laluan. Ini sukar untuk penduduk yang hendak pergi kerja kerana perlu mengambil perkhidmatan Grab atau bantuan keluarga.

"Kita dalam proses kaji pelaksanaannya dengan meneliti beberapa DUN yang menggunakan," katanya pada 10 November merujuk DUN Subang Jaya, Kampung Tunku dan Bukit Gasing.

Kumpool Ride diperkenal bagi menyurau kesesakan trafik dan parkir dengan kadar RM1 untuk akses pengangkutan lebih mudah, selesa dan selamat setiap hari dari 8 pagi hingga 8 malam.

Aplikasi yang dimuat turun menerusi Apple Store atau Google Play Store meliputi lebih 200 hentian antaranya stesen bas dan LRT selain perumahan yang padat boleh

JKR pilih Hulu Langat

Projek rintis pantulan cahaya

Oleh FUAD HADINATA YAACOB

SHAH ALAM - Jabatan Kerja Raya (JKR) Hulu Langat mengecat jalan menggunakan teknologi kilauan dalam gelap (glow in the dark) pertama di negara ini di Jalan Sungai Lalang (B19).

Ahli Parlimen Hulu Langat Mohd Sany Hamzan menjelaskan projek berkenaan bertujuan membantu petunjuk arah selamat pada waktu malam melalui pantulan cahaya pada pembahagi jalan.

Beliau berkata teknologi menghasil-

kan pantulan cahaya daripada lampu kenderaan itu adalah inovasi dalam kejuruteraan jalan.

Katanya, kaedah pencahayaan ditambah baik melalui teknologi berkenaan yang mengandungi unsur pigmen fosfor bagi mengeluarkan cahaya yang boleh dilihat selepas diberi tenaga tertentu.

"Sumber tenaga adalah sama ada daripada cahaya matahari atau lampu kenderaan yang diserap, sebelum ia bercahaya semula dan dapat dilihat



pada waktu malam," katanya di Facebook.

Pada 15 November, beliau mengiringi Menteri Kerja Raya Datuk Seri Alexander Nanta Linggi melawat lokasi berkenaan.

Mohd Sany turut berterima kasih kerana memilih Hulu Langat sebagai lokasi perintis projek berkenaan.

Pada siang, ia kelihatan normal dan teknologi itu membantu pengguna jalan raya yang tidak biasa memandu terutamanya di kawasan baharu.

Perluas PTRS ke sekolah rendah

SHAH ALAM - Ahli Dewan Negeri Sentosa mencadangkan Program Tuisyen Rakyat Selangor (PTRS) dimula daripada sekolah rendah bagi mengatasi masalah 3M iaitu membaca, mengira dan menulis.

Dr G Gunarajah berkata isu penguasaan 3M tidak harus dipandang remeh dalam era globalisasi dan harus diberi keutamaan supaya dapat meng-



hasilkan generasi berilmu.

"Saya mencadangkan agar PTRS dimulakan daripada sekolah rendah dan memberi kelas intervensi pemulihan supaya mereka menguasai 3M sebelum ke sekolah menengah sekali gus mengatasi masalah keciciran lebih awal.

"Selain itu, turut dicadang PTRS dikendalikan guru daripada sekolah lain selain bagi mendapatkan teknik pembelajaran dan pengajaran yang baru

atau lain. Ia dapat memberi nafas yang segar kepada pelajar dan tidak lesu," katanya di Dewan Negeri Selangor pada 16 November.

Beliau turut mencadang supaya inisiatif bawah Menteri Besar Selangor (Perbadanan) atau MBI itu dikendalikan pihak sekolah bersama wakil rakyat.

"Ini bagi memastikan hasrat utama pelaksanaan PTRS yang diwujudkan selari dengan Kerajaan Negeri yang mahu membantu pelajar prestasi pelajaran sederhana atau lemah," katanya.

Dana besar penuhi keperluan pendidikan

SHAH ALAM - Peruntukan hampir RM100 juta dalam Belanjawan Selangor 2024 bagi pembangunan dan bantuan pelajar mampu memenuhi keperluan pendidikan di negeri ini.

Wakil rakyat Seri Serdang Abbas Azmi berkata ia membuktikan komitmen negeri menyediakan kepakaran masa depan untuk berbakti semula kepada Selangor selain mementingkan akses pendidikan kepada rakyat.

"Pelbagai inisiatif menarik berkaitan sektor pendidikan antaranya Bantuan

Asas Yuran Universiti (BAYU) dengan peruntukan RM5 juta selain RM3 juta bagi Hadiah Pengajian Institusi Pengajian Tinggi Selangor iaitu antara yang tertinggi berbanding negeri lain.

"Ia termasuk peruntukan RM9 juta untuk Kumpulan Wang Biasiswa Negeri Selangor merangkumi peduli siswa, program khas dan pinjaman boleh ubah," katanya dalam perbahasan Rang Undang-Undang Enakmen Perbekalan 2024 pada 15 November.

Abbas berkata dana hampir RM359

juta diperuntuk bagi inisiatif bawah payung sosial membuktikan pentadbiran ini sedia menyediakan dasar yang mampu membantu golongan berkaitan mendepani masalah kehidupan.

"Sebagai contoh dasar ekonomi penjagaan, pembangunan wanita dan keluarga serta pelan tindakan pembaslian kemiskinan. Semua (dasar) ini menyentuh dan berkait dengan golongan rentan seperti warga emas, orang kelainan upaya serta kanak-kanak.

Tubuh majlis kemahiran kerja

SHAH ALAM - Wakil rakyat Subang Jaya mencadangkan penubuhan Majlis Kemahiran Kerja Selangor di kawasannya bagi mencapai sasaran tawaran 100,000 peluang kerja bergaji tinggi tahun depan.

Michelle Ng Mei Sze berkata kawasannya menerima penghijrahan sehingga 250,000 pelajar dari seluruh negara menerusi lapan institut pengajian tinggi swasta (IPTS).

"Antaranya Universiti Sunway, Kolej INTI, Kolej SEGI dan Universiti Monash. Kebanyak IPTS ada program berkembar yang memerlukan pelajar menghabiskan pengajian di sini dan luar negara.

"Mereka akan mencari kerja yang berpendapatan lumayan apakah lagi selepas mengambil kira kadar pertukaran mata wang.

"Kerajaan Negeri perlu menjadi pengantara dengan menawarkan peluang pekerjaan kepada pelajar ini sebelum mereka tamat pengajian atau melanjutkan pelajaran ke luar negara," katanya pada 15 November.

Tambah baik syarat mohon BINGKAS

SHAH ALAM - Wakil rakyat Meru mencadangkan syarat Bantuan Kehidupan Sejahtera Selangor (BINGKAS) RM300 sebulan atau RM3,600 setahun ditambah baik supaya lebih ramai rakyat menerima manfaat.

Mariam Abdul Rashid berkata kuota bagi ketua keluarga orang kurang upaya yang ada tanggungan dan ibu bapa yang memiliki anak istimewa boleh diwujudkan supaya mereka boleh memohon insentif itu.

Katanya, Kerajaan Negeri memperluas manfaat program itu selain jumlah bantuan diganda daripada RM200 pada 2021 kepada RM300 pada 2022 dengan tambahan penerima manfaat kepada 30,000 keluarga.

"Saya mencadangkan penerima manfaat diperluas kepada individu yang belum pernah menerima bantuan BINGKAS sebelum ini," katanya pada 16 November.


ADN sumbang ke tabung Palestin

SHAH ALAM - Semua Ahli Dewan Negeri (ADN) Selangor tanpa mengira parti disarankan menghulur sumbangan RM5,000 seorang bagi membantu rakyat Palestin yang dilaiki rejim Zionis.

ADN Bukit Lanjan Pua Pei Ling mencadangkan sumbangan tersebut boleh dihulur menerusi pembentukan tabung dana kelolaan Speaker Dewan Negeri Selangor (DNS) Lau Weng San.

"Saya cadangkan kepada Dato' Menteri Besar, barisan EXCO dan semua ahli dewan tanpa mengira parti untuk sama-sama membentuk satu tabung DNS dengan sumbangan RM5,000 seorang.

"Jika ini dapat dibuat, DNS akan jadi dewan pertama yang menyumbang RM280,000 untuk kegunaan dan manfaat mangsa di Gaza," katanya pada 16 November.



Cungkil bakat baru nyanyian Orang Asli

SHAH ALAM - Pertandingan Asli Battle of The Bands (ABOTB) yang diperkenal Kerajaan Selangor bakal diperluas ke peringkat kebangsaan dengan kerjasama Radio Televisyen Malaysia (RTM).

EXCO Kebudayaan Borhan Aman Shah berkata acara yang dijadual berlangsung tahun depan bertujuan mencungkil bakat nyanyian Orang Asli seterusnya mengetengahkan mereka ke dalam industri seni.

"Tahun depan kita buat peringkat kebangsaan melibatkan Orang Asli di semua negeri. Kita anjurkan pertandingan dan buat saringan hingga ke konsert akhir dengan kerjasama RTM.

"Kita harap kumpulan dari negeri ini akan menjadi antara yang hebat untuk diketengahkan kerana kita bermula setahun awal (tahun ini)," katanya pada 18 November.

Ampang, Hulu Langat perintis rewang strata

SHAH ALAM - Ampang dan Hulu Langat dipilih sebagai kawasan perintis projek Rewang Komuniti Strata yang bakal dianjur tahun depan.

EXCO Pembangunan Bandar Lestari Borhan Aman Shah berkata program itu akan menjadi acara tahunan melibatkan semua kawasan strata di Selangor jika mendapat sambutan.

"Kerajaan Negeri beri peruntukan RM500,000 sebagai permulaan projek ini, kita akan mendapatkan nasihat daripada Lembaga Perumahan dan Hartanah Selangor kawasan yang sesuai untuk anjurkan program ini.

"Tujuan rewang ini juga bagi menghidupkan komuniti kejiranan di pangaspuri lama di kawasan bandar dan ini juga masa terbaik untuk pemimpin luang masa bertemu rakyat," katanya pada 18 November.

Pesta buku SIBF mulai 1 Disember

SHAH ALAM - Pesta Buku Antarabangsa Selangor (SIBF) 2023 kembali menemui orang ramai bermula 1 hingga 10 Disember depan.

Berlangsung di Pusat Konvensyen Majlis Bandaraya Shah Alam, acara turut melibatkan penyertaan penerbit dan penulis negara luar dibuka jam 9 pagi hingga 9 malam.

Dianjurkan Perbadanan Perpustakaan Awam Selangor, pelbagai aktiviti menarik termasuk cabutan bertuah, jualan buku dan diskaun menarik menanti pengunjung.

SIBF julung kali dianjurkan tahun lalu susulan kesinambungan daripada Pesta Buku Selangor yang dianjurkan selama 16 tahun sejak 2006.



Amirudin diiringi Borhan bersama pemenang pertandingan akhir Asli Battle of The Bands di bangunan pentadbiran negeri, Shah Alam pada 18 November. Foto HAFIZ OTHMAN

Menang wang tunai RM3,500

Mayang juara Asli Battle of The Bands

Oleh NORRASYIDAH ARSHAD

SHAH ALAM - Kumpulan Mayang mewakili Gombak dan Petaling menjuarai pertandingan Asli Battle of The Bands (ABOTB) menewaskan tujuh pesaing sekali gus membawa pulang wang tunai RM3,500.

Program julung kali anjuran Kerajaan Negeri menobatkan Mask Band (Gombak dan Petaling) sebagai naib juara manakala Zangkud (Hulu Langat dan Sepang) tempat ketiga, masing-masing menerima wang tunai RM2,000

dan RM1,000.

Hadiyah disampaikan Dato' Menteri Besar Dato' Seri Amirudin Shari dalam majlis di bangunan pentadbiran negeri, pada 18 November. Hadir sama, EXCO Kebudayaan Borhan Aman Shah.

Amirudin berkata ABOTB menjadi bukti golongan minoriti itu tidak dipinggirkan dan menerima bantuan sama rata dengan kaum lain.

"Pertandingan ini untuk kita ketengah bakat dan persembahan berkualiti dalam kalangan anak Orang Asli. Sebagaimana janji kita, tiada siapa pun tersisih dan akan terima pembelaan.

"Majlis malam ini sebagai tanda penghargaan kepada Orang Asli. Kita harap dapat cungkil bakat dan kumpulan ini akan mengharumkan nama Selangor serta negara pada masa depan," katanya.

ABOTB diperkenal tahun ini bagi mencungkil bakat nyanyian dalam kalangan Orang Asli sebelum diketengahkan ke dalam industri seni.

Sebanyak 25 kumpulan muzik melibatkan kira-kira 125 Orang Asli bersaingan menerusi 74 sesi jelajah saringan yang dianjur di semua perkampungan tradisi Asli.

M Nasir sumbang hasil karya

KUALA LUMPUR - Seniman Datuk M Nasir berbesar hati menyalurkan semua hasil jualan empat karya di pameran seni 'Colours For Gaza' di Galeri Puteh di sini ke tabung bantuan rakyat Palestin.

Pengarah Galeri Puteh Mohd Nizam Rahmat berkata M Nasir antara lebih 50 seniman yang menyertai pameran berkenaan bagi mengutuk kekejaman rejim Israel terhadap rakyat Palestin melalui seni lukis.

"Jumlah hasil jualan yang ingin disumbangkan bagi setiap karya akan ditentukan oleh artis tersebut. Kita akan sampaikan kepada badan kemanusiaan yang sah dan dipilih nanti.

"Nilai karya seni paling tinggi adalah RM40,000 dan menariknya penyanyi terkenal Datuk M Nasir turut menyumbang empat karya yang telah bersetuju semua hasil jualan disumbangkan kepada tabung bantuan Palestin," katanya pada 15 November.

Pameran seminggu yang membuka tirainya pada 14 November menghimpunkan 107 karya daripada lebih 50 artis tempatan dan antarabangsa antaranya dari Brazil, Turkiye dan Singapura.

Selain M Nasir, seniman lain yang menyertai pameran tersebut antaranya Ahmad Fuad Osman, Bayu Utomo Radjikin, Awang Damit, Juhari Said, Faizal Suhif, Azlan Mam, Fauzul Yusri dan Amar Idris.